





# GALLIA VICTRIX

ANNIS 1673. ET 1674.

INTRAIECTO AD MOSAM EXPVGNATO

IN SEQUANORUM PROVINCIA ITERATÒ


Subactâ,

IN FŒDERATIS GERMANORUM,

HISPANORVM,

ET BATAVORUM COPIIS SÆPIUS PROFLIGATIS,

POETICE DECANTATA.




BVRDIGALÆ,  
Apud IACOBUM MONGIRONEM-MILLANGIUM  
Regis & Collegij Typographum.

---

M. DC. LXXV.

*Cum Approbatione & Permissu;*





# DELPHINO.



AVGVSTISSIME PRINCEPS

Regalem ad Aulam, seriùs fortè, quàm par fuisset, sese conferunt Aquitanicæ Musæ, victricem tot tam que ferocium hostium duobus proximè abhinc elapsis annis Gal.

EPISTOLA.

liam sub felicibus invictissimi Regis,  
Patris tui, auspicijs, Poëticos ad  
numeros celebraturæ. Has nempe  
officio defungi properantes, timor  
simul ac pudor, aliquandiu, nec  
sine causâ, detinuêre. Temeritatis  
notam verebantur, quæ res tantas  
stylo exornandas susciperent, quan-  
tas & per sese Rex maximus, &  
per suos Duces, non minori pru-  
dentiâ & fortitudine, quàm felici-  
tate confecit. Erubescabant verò mi-  
rum in modum, quòd suas lucu-  
bationes adeò impares cernerent  
magnitudini rerum bello gestarum;  
quantas nimirum vix ulla Majorum  
nostrorum ætas suspexit, vix ulla  
deinceps sperare queat posteritas.  
Hæsitantibus tamen, suæque tenui-  
tatis apprimè conscijs, animos ad-  
didêre, **PRINCEPS AVGV-  
STISSIME**, quæ jamnunc in  
Te sic elucet, conjunctæ cum excel-

## EPISTOLA.

sã indole, tantóque dignâ fastigio,  
humanitas & clementia singularis,  
atque in istas, quas vocant, suavio-  
res Musas, mira propensio. Se-  
questro sanè apud Te, aut Admis-  
sionali, non egent, quas consortio  
lubens, & familiaritate dignaris. Quia  
& his spes hinc affulget aliqua Re-  
gium in conclave tuo ductu & fa-  
vore penetrandi, summæque Maje-  
statis radios, tuâ benignitate at-  
temperatos, faciliùs ferendi. Ac-  
cedunt itaque illæ ad Te, non tri-  
butariæ solùm, sed etiam suppli-  
ces; nec tam munus offerunt, quàm  
exposcunt beneficium. Mihi qui-  
dem qualicumque ipsarum interpre-  
ti, sat fuerit meum tibi studium pro  
paternâ, tuâque proinde ac totius  
Galliæ gloriâ, aliquatenus appro-  
basse. Tuam dico gloriam PRIN-  
CEPS AVGVSTISSIME;  
quæcunque enim Pater in bello stre-

*EPISTOLA.*

muè, fauſtéque gerit, ea ſuum omnem in Te ſplendorem refundunt; neque exemplo tantùm, atque incitamento ſunt, ſed etiam ornamento. Hîc certè habes, quæ nunc ſuſpicias; mox æmuleris. Quin & nobiliſſimi illius ignis, generoſo in pectore jam nunc accenſi, ſcintillæ quædam dicuntur emicuiſſe, quando obſidioni Dolenſi intereſſe Te voluit Pater, ut à tenero diſceres vincere. Quid autem à Principe, tantum ad exemplar efformato, ſperare Galliam par ſit, non eſt difficile æſtimare. Cùm præfertim ejus institutioni præſint viri ſummâ virtute, ſummâque eruditione conſpicui; digni demum, quos Rex ſapientiſſimus, & amantiſſimus Pater, tot alijs anteferret. Nec ægrè, ut ſpero, feres, **PRINCEPS AVGVSTISSIME**, quòd aliorum quorundam facinora cum paternis, Regiſque



*EPISTOLA.*

conjunxerim. Ea namque vel ad Patrem pertinent, cujus gesta sunt auspicijs: vel certè aliena prorsus censerì nequeunt; quippe quæ sint Regis, & Christiani adversus infensissimos Religionis hostes dimicantis, & qui inter Galliæ foederatos principem locum meritò sibi vendicet.

Ne verò Te à literarum atque scientiarum, in quibus jam progressus ætate majores fecisti, amore abducere velle videar tot victorijs atque triumphis ob oculos proponendis, Oden paræneticam ijs consultò adjunxi, quæ Te, sponte licèt currentem, ad id studij incitaret.


Æqui, ut spero, bonique consules, **PRINCEPS AVGVSTISSIME**, meam sive in Te adhortando audaciam; sive in isto, quantumvis informi, laboris mei foetu tibi offerendo confidentiam; atque hanc,

*EPISTOLA.*

cui me adscriptum Deus jam pridem  
voluit, minimam Societatem, eâ-  
dem quâ Pater, Avusque & Proa-  
vus, omnes meritò magni, beni-  
gnitate fovebis.

**AVGVSTISSME PRINCEPS,**

Tibi devotissimus  
**IOANNES PERIGAUD, S. I.**



A D E V N D E M

A V G V S T I S S I M V M

PRINCIPEM;

ODE PARÆNETICA.

BIBLIOTECA NAZIONALE  
ROMA  
PAPALE EMANUELE

**I** NCLYTA Borbonidum soboles, vivaxque Parentis  
Imago, DELPHIN, maximi ;  
Te quamvis vasto imperio terræque, marisque,  
Mens destinavit provida ;  
Et Bizantinæ turres nutare ferantur  
Ad nominis prælagium  
Ter fausti, & tremefacta metu expallefcere Luna,  
Cruore Christiadum hætenus  
Quæ fuso rubuit; trepidare & littora, dirum  
Immugientis Bosphori ;  
Te quamquam invitet, PRINCEPS AUGUSTE, tibi que  
Palmis Idume frondeat :  
Ne tamen excelsæ mentis, quâ Te Astra beant,  
Impar putes fastigio,  
Ætia Musarum studio celebrare frequenti,  
Ignota genti barbaræ ;

A

Nuncque choros cælo acceptos invisere Vatum  
 Dño canentùm gutture  
 Annâque, magnanimosq; duces, clarosq; triumphos,  
 Heroas & Divùm genus;  
 Nunc Oratorum linguas audire disertas,  
 Puro fluentes nectare;  
 Ac modò secessus sacri penetrare Lycæi  
 Clamore docto dissonos,  
 Altâque rimari Naturæ arcana parentis  
 Vulgo profano impervia,  
 Sidereosque orbis animo lustrare sagaci,  
 Solisque fulgentes domos.  
 Hæc Magnus quondam Macedo juvenilibus annis,  
 Sopho Stagiræ prævio,  
 Affectasse viam fertur, quâ tollere cælo  
 Nomen liceret arduum;  
 Mæonidæ & Vatis studio exarsisse perenni,  
 Thecâque clufos gemmeâ  
 Gestasse assiduum, necnon volvisse legendo  
 Versus cedro dignissimos;  
 Claro & Pelidæ tantum invidisse Poëtam,  
 Qui gesta bello scriberet.  
 Nec magè conspicuus celebratur Iulius armis,  
 Semper licèt victricibus,  
 Quàm forti eloquio, ac rerum prudentior usu,  
 Venâque felix ingeni;  
 Quin etiam ambiguum fecit, plûs-ne inclytus Heros  
 Stylo valeret, an manu.  
 Bella suum Martem, sed habent & Pallada Musæ  
 Hastâ coruscâ ac Ægide.  
 Nec, licèt abstineant ferro, his sua prælia defunt,  
 Acutiora & spicula,  
 Mentis inexhaustâ quæ depromenda pharetrâ,  
 Non absque pulcro vulnere.

Sic pugnare Sophi norunt, sic vincere gaudent,  
 Quamquam incruento prælio.

Quis verò Historiæ spernat, regnare docentis,  
 Præclara tot volumina?

Hic ubi post cineres, & dona extrema sepulchri,  
 Spirant adhuc superstites

Heroës, generosæ animæ, gens optima belli  
 Pacisquæ claris artibus.

Hos inter proavi Reges, ceu sidera fulgent,  
 Viâque signant splendidam;

Borbonidæ imprimis magni, quis fonte propinquo  
 Debes refusum sanguinem;

HENRICUS, belli fulmen, Magnôque parenti  
 Virtute superpar Filius,

Iustitiâ quippe insignis, pietate, vel armis,  
 Lemanicæ Alcides Hydræ.

Vnus sed Genitor Regum decora alta priorum  
 Vincit virili pectore;

Exorsisque suis patrum fastigia adæquat  
 Seu pace, seu bello inclytus.

Belgica gens testis, Tornacum, Aldnarda, Duacum,  
 Divésque testis Insula,

Tôtque urbes aliæ, præcinctæ turribus altis,  
 Vno subactas impetu

Quas victor subjicit LODOVICUS. Tu quoque testis,  
 Expers jugi Burgundia,

Quam non acris hyems, non propugnacula, & arces  
 Quivêre tutari diu.

Tu verò ante alias gentes, Hollandia testis,  
 Quæ cæteris ferocior,

Ac nimum gazis, vel fisa paludibus, audax  
 Regem lacestisti probris,

Fœdifragoque animo; sed non impune: luiti  
 Nam mox pares injuriæ

Immanique auso pœnas, attrita potenti  
 Herois usque robore;  
 Ac mirum! Spatio propè debellata bimestri,  
 Iam non inexpugnabilis.  
 Ast te quî fileam Trajecti nobile vallum,  
 Cartago Gentis perfidæ,  
 Nequicquam munita diu molimine tanto,  
 Fornacibus, cuniculis,  
 Aggere multiplici, lunatis molibus, atque  
 Fœtis nitrato pulvere  
 Glandibus innumeris, vibrandis fulminis instar;  
 Incendiôque fusili.  
 Te satis hæc nequeunt unâ defendere Lunâ  
 Contra potentis impetus  
 Herois; turrésque tuæ, muriq; patescunt  
 Assultu ineluctabili.  
 Sub Patre militiam, Princeps generose, magistro  
 Brevi licebit discere,  
 Vincendique artes, necnon Mavortia facta,  
 Periculosamque aleam.  
 Pacificæ interea in campo, castrisq; Minervæ  
 Te militasse juverit,  
 Atque prius miti crines innectere Olivâ,  
 Quàm militari Laureâ.





A

MONSEIGNEUR  
LE DAUPHIN;

Que l'Etude des Lettres est une occupation digne d'un grand Prince.

IMITATION DE L'ODE PRECEDENTE.

**I**EUNE & sage DAUPHIN en qui le ciel a mis  
Et le sang des BOURBONS, & les traits de LOUIS,  
Pour peindre en un seul Fils le Heros & le Pere ;  
Cet Esprit souverain qui fait le sort des Roys ,  
Prepare l'Univers à recevoir tes loix ,  
Ton destin le promet & la France l'espere :  
Désja ton courage naissant  
Fait fremir le Bosphore & pâlir le Croissant ;  
Désja les Muses sont charmées ;  
On t'admire , on te craint au seul bruit de ton nom ,  
On presente à tes mains les Palmes Idumées ,  
Mais ne refuse pas les Laniers d'Apollon.

A iij

Ne pense pourtant pas rabaisser ton grand cœur  
 S'il se laisse enflâmer d'une si douce ardeur,  
 Ta gloire chez Phebus ne sera point ternie ;  
 Rends-toy victorieux parmy ces Nations  
 Autant par ton esprit que par tes actions,  
 La science est d'un prix égal à ton génie :  
     Monte quelquesfois dans les Cieux  
 Pour entendre chanter les Favoris des Dieux,  
     Apprens les secrets du Lycée,  
 Porte ton éloquence au milieu des combats,  
 Fais voir, en nous traçant des Astres quelque idée,  
 Que tu sçais manier l'Epée & le Compas.

Ainsi ce Grec fameux, qui dans ses jeunes ans  
 Tâcha de devenir le Heros des sçavans,  
 Solûmit son vaste esprit aux leçons d'un grand Maître ;  
 C'est par là qu'il s'ouvrit un chemin à l'honneur,  
 Et suivant à grands pas son rapide bonheur  
 Toujours dans le Guerrier le Sçavant sçeut paroître :  
     Homere alloit à pas égaux  
 Combattre avec ce Prince & charmer ses travaux,  
     Il s'animoit dans son ouvrage ;  
 Il porta ce thresor au bout de l'Univers,  
 Et comme d'un Achille il avoit le courage,  
 Il croyoit mériter d'aussi sublimes vers.

C'est ainsi qu'autresfois le premier des Césars  
 Porta l'Academie auprès du Champ de Mars,  
 Joignant la politesse avec l'humeur guerriere ;  
 Il fut également fier & civilisé,  
 Son nom dans ces deux arts s'est immortalisé.



On ne sçait pour lequel il eut plus de lumiere :  
 Son loisir avoit de l'éclat ,  
 Cesar au cabinet & Cesar au combat  
 Se disputoit sa propre gloire ;  
 Pallas a comme Mars sa lance & son bouclier ,  
 Elle sçait loin du bruit rencontrer la victoire ,  
 Et le sang n'a jamais arrosé son Laurier .

Les esprits du Lycée & subtils & perçans  
 Se portent tour à tour de ces coups innocens ,  
 On y voit avec art employer le dilemme ;  
 L'Histoire t'offrira les armes & la paix ,  
 Et les Roys t'apprendront encor dans leur portraits  
 A porter dignement le poids du diademe :  
 Sur tout tu dois jeter les yeux  
 Sur cet illustre amas de tes dignes Ayeux ,  
 Sur HENRY ce foudre de guerre ,  
 L'Herésie en fureur meurt aux pieds de son Fils ;  
 Mais apres avoir vû tous ces Dieux de la terre ,  
 Laisse là leur Histoire , & voy faire LOUIS .

Ce Monarque en luy seul renferme plusieurs Roys ;  
 Admire sa sagesse & compte ses exploits ,  
 Dans l'une & l'autre Flandre accompagne sa gloire ,  
 Promene ton esprit dans ces divers Païs  
 Que son bras , ou son nom , ou sa vuë ont conquis ,  
 Ne te plains pourtant pas s'il charge ta memoire :  
 Assemble les noms de Douay ,  
 Courtray, l'Isle, Oudenarde, Ath, Charle-Roy, Tournay ;  
 Le Rhin a de plus sieres Villes ,  
 Il faut pour les nommer courir de grands hasards ,  
 On n'apprend pas si tôt des noms si difficiles ,  
 LOUIS en moins de temps fait tomber leurs remparts .

Cede enfin peuple ingrat, & rentre dans tes eaux ;  
 Ne nous oppose plus tes Forts & tes Vaisseaux ,  
 Du fonds de tes Marais ne leve plus la tête ;  
 Retiens de ton orgueil l'insolente vapeur ;  
 Et n'entreprends jamais d'offenser un vainqueur  
 Qui d'un juste courroux peut mouvoir la tempête ;  
 Et ce Fort si muni d'orgueil ,  
 Ce Fort qui des François croyoit estre l'écueil ,  
 Mastic , l'emule de Carthage ,  
 L'orage de tes feux n'a pu jeter l'effroy ,  
 Des mines , des fourneaux l'insidieux ouvrage  
 Rendit ton art captif sous la main d'un grand Roy .

Princ: tu dois avoir un cœur bien genereux ,  
 Ce modele est bien grand , & tel que tu le veux ,  
 Pour tout autre que toy ces leçons sont trop amples ;  
 Il faut estre son Fils pour oser l'imiter ,  
 Il t'apprend à regner , à combattre , à dompter ;  
 Que ta vertu croitra sur de si beaux exemples !  
 Cependant parmi les esprits  
 Ouvre-toy la carrière & remporte le prix ,  
 Françhis le sommet du Parnasse ;  
 La fortune sur toy forme de grands desseins ,  
 Mais parmy les sçavans si tu choisis ta place ,  
 Tu feras ta couronne avec tes propres mains .



# REGI

POST TRAJECTVM

AD MOSAM

FELICITER EXPVGNATVM;

EPINICIVM.

**P**ONE metum, & dulci gaude securo triumpho  
 Gallia; Trajecti jam post macula cedunt  
 Munitæque arces; & vectigalibus undis  
 Lenè fluens Mosa, jucundo nunc murmure plaudit,  
 Grataturque tibi post tot discrimina Martis  
 Victorem augustum incolumem, quo Gallica nitens  
 Gloria sublimem se mox æquabit Olympo.  
 En cælo allabens, currûque invec̃ta corusco  
 Relligio, quam caesa Fides comitatur ovantem,  
 Frondentes ramis supremo ex æthere lauros,  
 Immortale decus, præfert, Regi unde coronam  
 Texere, & æterno valeas diademate crines.  
 Vincire Herois, cui jam cælum atria pandit.  
 Captiva illa diu gemuit sub compede iniquâ  
 Bataviae infestæ Divis; gremioque superbos  
 Passa hostes, altum indoluit sua templa nefandâ

Polluta heu! sacris, cantúque ululata profano.  
 Magnæ ergo L O D O Ï X, hæres pietatis avitæ,  
 Æquus ades vindex, & Majestatis honorem  
 Læfæ Francigenûm, Fidèique opprobria sanctæ  
 Victrici dextiâ, justoque ulciscere ferro.

Iam numerosæ acies, peditumq; equitumq; manipli,  
 Gentis magnanimæ flos omnis, & inclyta bello  
 Nobilitas, ad signa volant; sub pondere tellus  
 Concutitur, fremituque virum, & clangore tubarum  
 Horrisono reboant valles, collèsq; supèni.

Attoniti trepidant Belgæ, & quòcumque locorum  
 Majestas armata, minax movet agmina, terror  
 Prævius antevolæ, portæque & mœnia nutant  
 Gandavicæ titubant turres; Antuerpia scaldî,  
 Famosæque arcis diffidit, & omnia quamvis  
 Tuta timet; nulla & tanto claustra invia Regi,  
 Flumina nulla putat; Rhenum, Vahalimq; rapacem,  
 Transmissos sine navigio, sine pontibus ullis,  
 Regis ad aspectum, frustra obnitente Baravo,  
 Dum meminit, cunctumque urbes arcèsvè receptas  
 Luce quaterdenâ, mœrens miratur, & unâ  
 Suspicit, & magnos metuit, celerèsq; triumphos.

At campis diffusa suis, & mœnia circum  
 Millia tot delecta virum, Heroisq; tremendi  
 Augustam speciem Bruxellæ ut turribus altis  
 Prospiciunt eives, quos mens malè-conscia torquet,  
 Sèque putant jam tum meritâ obsidione teneri  
 Fœdus ob infractum; tandem temeraria dâmnant  
 Consilia, & justas formidant vindicis iras.

Nunc multasse metu satis est, victriciâque arma  
 Ostentasse urbi, ac tonitru immugisse sonoro;  
 Fòrs erit, abruptis posthac ut nubibus æther  
 Fulminet, admissio repetens pro crimine pœnas.

Intereâ bellum circumduxisse per arva

Belgica, & hostiles sic deluisse catervas  
 Profuerit, primúmque animo pugnasse sagaci,  
 Dein Marte infesto, & collatis undique signis.  
 Inde orbi dubium linquis, Rex Maxime, plus-ne  
 Consilio, an dextrâ valeas, aut robore regni.

Belligeris tandem cœptis, haud talibus impar  
 Auspicijs, urbs eligitur, quam gurgite vasto  
 Præmunit, geminásque Mosa inter-labitur arces  
 Trajecti, Viticque, ingenti & ponte revincit.  
 Ars utramque, diu insudans, munimine cinxit.  
 Multiplici, cœlóque insanas undique moles  
 Educens, fodiénsque imâ tellure latentes  
 Furnorum anfractus, contra præmuniit omnes.  
 Assultus tutumque & inexpugnabile vallum.  
 Accedit vis præsidij numerosa, vitiumque  
 Delectu insignis, tormenta immania muris  
 Aggeribusque imposta; accedit plurima rerum  
 Copia, quas hominum, vel belli postulat usus.  
 Præcipuè Præfèctus adest, acèrque, feróxque,  
 Acque animi fidens, & multâ callidus arte,  
 Lethum etiam pulchrâ certus pro laudè pacisci.

At Regem contra invictum quid bellica proffit  
 Machina? Quid miles? quid propugnacula, & astus  
 Militiæ, audacés-ve animi? cui militat Æther,  
 Et cum Iustitiâ Pietas; quem Martius ardor  
 Impavidum per tela rapit, Prudentia frænât;  
 Vividâ vis animi; vegetoque in corpore robur  
 Dat vigilem curis; indefessumque laborum.  
 Dux ipse ingentis cœpti; bellum ipse gubernat,  
 Discriménque subit, castris seque arduus infert,  
 Iam nutu victor, jam vultu fulminat, hostésque  
 Exanimat trepidos tanti præsentia Regis.

Continuò præmissus eques, pars arcta viarum  
 Occupat, aut campis sese diffundit apertis.

Urbem intercludens aditu ; mora parva , citato  
 Agmine subsequitur LODOÏCUM exercitus omnis,  
 Spéque alacris multâ fremit, insuetâque triumphat  
 Lætitia , spolijs ceu jam potiatur opimis.

Nec spes vana viros fallit ; victoria certa est  
 Auspicijs , Rex magne , tuis , annóque priori  
 Acta , fidem supra Historiæ , læta omina firman.

Vix in conspectu Trajecti constitit Heros  
 Gallicus, ipse in vectus equo, & circùm omnia lustrans,  
 Designâtque locum castris, vallóque coronat.  
 Ilicet elato tormenta ex aggere surgunt,  
 Fulminéque assiduo turres atque ardua tecta  
 Disjiciunt ; gelidâ trepidant formidine cives  
 Inclusi caveis ; ac jam se dedere certent  
 Victori, ni Præfectus, milésque resistat.

Fossa quoque obliquo longè producta meatu ;  
 Confestim ad muros & munimenta cavatum.  
 Sternit iter turmis, valeant quò tutius urbem  
 Impetere, hostilésque unâ succedere ad arces.

Rex opera, assultus, stationes, bellica cuncta  
 Ordinat ; insomnes equitans noctésque, diésque  
 Dúcit, inexpletum insistens studio atque labori,  
 Mirandum dictu, vix & quod postera credant  
 Sæcula ! totam unus, belli sub pondere, molem  
 Sustinet, & curas animum partitur in omnes.  
 Quin etiam ipse sui, Majestatisque verendæ  
 Oblitus, caput augustum in discrimina mille  
 Circumfert, cunctósque timor quando anxius urget,  
 Intrepidus pro se perstat ; totúsque saluti  
 Bellantum incumbens, inter Regémque, patrémque  
 Divisus, regit imperio, & turatur amore.

Attamen, O, pavirans fundit quas Gallia voces,  
 Audi, Magne Heros ; Quò Te mavortia virtus  
 Abripit, heu ! nostrâ immemorem ? Te nixa salus stat

Gentis Liligeræ; tecum ista pericula belli  
 Tot subeunt populi; quot tu ditione coërees  
 Felici, immensâ, Non est Hollandia tanti,  
 Ut pro te, L O D O I C E, tremam, discriminêque isto  
 Nil êmisse velim. Vile est, quodcumque parasti  
 Hactenus hoc pretio; quam juâm Mosa lenib<sup>9</sup> undis,  
 Atque Isala, & scisso Rhenus se gurgite volvens,  
 Sub mea jura fluant. LUDOVIX mihi sufficit unus  
 Incolumis; quem si diuturnum sidera præstent,  
 Imperium extremos sperem producere ad Indos,  
 Ac Bizantinis imponere Lilia muris,  
 Disjectâque Crucis Labarum sustollere Lunâ.

In speciẽm justas quamvis compesce querelas  
 Heroũm fœcunda Parens, depone timorem  
 Sollicitum; in medio Rex stat discrimine tutus;  
 securum quem causa facit, dum militat Astris,  
 Atque Aris, Batavũm quas dira evertit Erynnis,  
 Atque furor, gemino dudum bacchatus in orbe.  
 Dum Cœlo pugnat LODOVIS, huic Astra vicissim  
 vigilat, clypeoque tegunt centuplicẽ Divi.

Exhortent hostes trepidi, & jam tecta fovere  
 Coguntur, ruta aut trans munimenta latere;  
 Nec mediõ deinceps audent se credere campo,  
 Somnus & conferre manus, jam sæpe fugati,  
 Errũmque experci Gallorum, animosque viiles.

Ollis mente tamen fixum defendere muros,  
 Nilque intentatum bello, nil linquere inausum,  
 Atque extrema pati. Timidos hortatibus implet  
 arraius, cui cura urbis commissa tuendæ,  
 Intentatque necem ignavis, quos prælia terrent.

Nec minũs in varios usus quæ bellica profunt,  
 Instrumenta parat; longa experientia gnarum  
 militiæ, multâque insignem reddidit arte.

Continuò fœtas nitrato pulvere glandes,



Anglorumque insigne decus, per tela per ignes  
 Irruit hostilem in cuneum, mox fulminis instar;  
 Gallica nec se nobilitas certamine vinci  
 Passa, gradum subito accelerat, sequiturque repente  
 Lecta manus Regis nutu, fortissima bello  
 Pectora; continuo hinc atque hinc pugna aspera fervet.

Haud secus adverso confligunt agmine venti  
 Austrinam de parte Notus, tumidique procellis  
 Africus, Arctos Boreas glacialis ab axe,  
 Eurisque, Caurisque, & tempestate sonora  
 Vel perflant nemora & montes, vel gurgite ab imo  
 Convellunt maria, & fluctus ad sidera tollunt.

Præfractis utrinque animis pugnatur, & ingens  
 Exoritur cædesque Ducum, fremiturque ruentium;  
 Ante aliosque cadunt, stimulos queis bellica virtus  
 Admovet. Hos inter longos memorabilis ævo,  
 Artagnane, jaces; sed non abjecta jacebit  
 Gloria, perpetuis longè dignissima fastis.

Vos quoque felices, pulcro queis funere fungi  
 Laudis amor, patriæque dedit, præclara virum stirps;  
 Queis dono superum fas est vicisse cadendo!  
 Non ea mors, sed pompa fuit; majusque trophæis  
 Omnibus, alta urbis subter munimina victæ  
 Oppetere, atque hostes eodem tumulare sepulcro.

Haud potis est ultra virtuti obistere & armis  
 Franciadum Hollandus miles, retroque coactus  
 Cedere, vallum iterum victori, arcemque relinquit.

Nec minus interea tormentis mœnia dudum  
 Quassa labant, cumuloque ruunt, ac pervia Regi  
 Claustra, sinumque urbis pandunt, vastaque ruinam  
 Heroem accersunt, cui cælum & sidera pugnant.

Tum varij gliscunt motus; timor anxius urget  
 Præfectum, Batavosque Duces, & pectora vulgi,  
 Calvinii infecit virus quæcumque malignum.



Ast contrà Romana fides quibus unica cordi est,  
 Sinceræ & pietatis amor, dulcedine mirâ  
 Exultant alacres, tot jam post lustra cupitam  
 Advênisse diem, quâ duris libera vinculis  
 Religio immanis sectæ, respiret, & aris  
 Fas contra ereptis, valeat, templisq; potiri.

Nec dilata diu spes vota precésque piorum  
 Sustinet, incassumque minas Farraius inanes  
 Iactat, & imbelles vocat in certamina turmas.  
 Námque ubi murorum disjecta repagula cernunt  
 Cives attoniti, Gallósque insidere vallo  
 Et fossis, assultum urbi, excidiúmque minari;  
 Agmine conveniunt crebro ad Prætoria, & urgent  
 Ingenti clamore Ducem, precibusque, minisque,  
 Destinet ad Regem veniæ, pacisq; sequestres.

Iam satis, ô auguste Heros, se Martia virtus  
 Hactenus exeruit; mitis clementia partes  
 Impleat, & blandum terrori adjungat amorem.

Tu quoque mutato, bellatrix Musa, tenore,  
 Lenior incedas, victori & tempora circum  
 Lauris paciferæ ramus se innectat Olivæ.

En Trajectini portasque & corda recludunt  
 Gratantes, L O D O Ï C E, tibi; ne gaudia differ  
 Festivámque diem, & plausus nunc urbis amicæ  
 Excipere accelera, faciémque ostende benignam.  
 Ipsi te, nec vana putes, ex æthere summo  
 Cœlicolæ invitant, radiantis & \* Petrus ab arce,  
 Augusti cœtûs Princeps, cui credita clavis  
 Empyreï, ac lethi socius, consorsque coronæ  
 Paulus ad augustos accit blando ore triumphos.

B

\* Trajecti deditio pacta est die ultimâ Junij, adeoque  
 b diem Principibus Apostolorum, Petro & Paulo, factam

Iam tandem Hollandus discedere miles ab urbe  
 Cogitur, ut pactum; tamen hæc solatia victis  
 Largiri visum est, ut passis agmina signis  
 Incedant, cantûque tubæ & cava tympana pulsa  
 Festivo resonent; ut quisque accinctus in armis  
 Fulgeat, & vel sic, prostratus gaudeat hostis  
 Sorte suâ, Regémque simul metuâtque, colâtque.

Hunc ubi conspexit ferróque auróque corúscum,  
 Desiliens Farraius equo, pronúsque salutans,  
 Victori Augusto justos persolvit honores:  
 Non me infelicem penitus, vel clade putarim  
 Percussum indecori, REX INCLYTE, parsq; triumphu  
 Est aliqua, Herois tanti cecidisse sub armis.  
 Hoc uno sortem incuso, quod me tibi sistat,  
 Invitum quamvis, hostem, castrisque mereri  
 Non liceat, REX MAGNE, tuis. Hæc inquit, & oris  
 Majestatem altam dum suspicit, ipse vicissim  
 Præmia digna refert animi, vigilumque laborum,  
 Virtutis meritum decus, & præconia Regis.

At Trajectinos urget succensa cupido  
 Impatiensque moræ, mox intra mœnia clarum  
 Victorem excipere, & vultus atque ora tueri  
 Principis, ac placidum cum majestate decorem.  
 Postquam fausta dies fulsit, læto agmine cives  
 Erumpunt portis; pars circumfusa plateas  
 Occupat; hi tabulara premunt, biforés-ve fenestras.  
 Hi summis pendent tectis; per compita festus  
 It clamor, festis resonant & vocibus ædes.  
 Parisios credas huc transmigrasse, Mosæque  
 Sequanicum illabi flumen, tot se undique signis  
 Prodit lætitia, ac modò nil hostile, feróque  
 Vrbs præfert, nec se victam meminit-ve, dolét-ve.

Nec victorem in Te spectat captiva superbum,  
 Aut odit, metuit-ve; patrem sed sperat amantem,

Iamque probat, dum Tu, postro terrore minaci,  
 Ingredieris ceu pacificus bellator, & armis  
 Vteris ad pompam læti mitisque triumphii.  
 Primum acies, nunc corda capis; post mœnia crebris  
 Diruta fulminibus, vultu clemente subactis  
 Mentibus insinuas temet, refugisque timeri.

Qualis ubi post densam hyemē, cœlique fragorem  
 Terrificum, effusisque altis è nubibus amnes,  
 Sol placidos reddit vultus, radiisque tepenti  
 Exhilarat terras, corda & mortalia mulcet.

Ergo, metu pulso, tenet admiratio cives  
 Attonitos; speciemque oris, nil triste minantem,  
 Et blandos oculorum ignes, frontemque serenam  
 Suspiciunt & amant; tali se Rege beatos  
 Iamque putant, gaudētque tuis se adscribere Francis.

Præcipue pietas postquam victricibus armis  
 Mixta micat, templisque iterum de more sacrat  
 Romuleo, ritusque sui, & redduntur honores  
 Accepti Superis, atque Hostia sistitur aræ  
 Impolluta, augusta, ingens, ac Numine digna.

Interea populos pennis delata per omnes  
 Fama volat, narrans L O D O I C I ingentia facta  
 Vix habitura fidem; Trajecti mœnia, & arces,  
 Antè suum penitus quam Luna impleverit orbem,  
 Prostratas, Francū patuisse potentibus armis.

Audiit, & promptæ sonitum mirata ruinæ,  
 Vix vicina sibi credit Germania, partimque  
 Aut stupet, aut metuit; nec non cunctator Iberus  
 Nequidquam infrendet delusas artibus artes,  
 Virtutisque astum cessisse. Hollandia sed tu  
 Dudum immanè ferox, decorisque oblita, deique,  
 Quid tandem versas animo? Num fœdera velles  
 Integra adhuc; & queis olim subnixa stetisti,  
 Regis amicitias? Nunc demum attrita tremisec

Invictum Heroa, & fastus depone superbos.

Non hostis tantum; jam ferme Europa stupesci.

Sic munitam urbem, victam patuisse diebus

Bis denis; plures quæ quondam obsistere menses

Evaluit tibi, Farnesi, Dux optime bello,

Vel tibi, Nassavi, proles animosa tremendi

Hispano Herois. Quamquam munimine moles

Multiplici adjectæ, ac fornax defossa cavernis

Plurima in, accessos aditus plenosque pericli

Objicerent, validasque novæ Carthaginis arces.

Attamen immensi Tu maxima causa stuporis.

Ipsè venis, operis tanti dum præses & auctor,

Per Te cuncta regis, Tecum &, discrimine parvo,

Partitur sortem miles, bellique laborem.

Regibus haud vulgò mos est sic bella gerendi;

Demandant alijs incerta pericula Martis,

Pèrque duces pugnant; atque hi dum castra frequentant

Sole sub ardenti, aut tolerant sub pellibus imbres

Hybernasque nives; illi laquearibus aureis

Fulgentes habitant ædes, ac mollia plumis

Strata fovent, picta & securi prælia cernunt

Obsessasque urbes, ducuntque ex hoste triumphos,

Quem nunquã in campo, aut gravib' vidêre sub armis.

Non ita belligeræ Gentis decernere Reges

Assuerunt; Tûque inprimis Л О Д О Ъ С К Е, præire

Fortius exemplo reputas, factisque docere

Grandibus & belli leges, & fœdera pacis.

Nec tibi se comitem Frater, sociumque laborum

Abnuit, Heroique Heros virtute sequaci

Insistit. Tecum ille urbes expugnat, & acri

Incumbens studio, vallum, fossasque pererrat

Sedulus, hostiles-ve acies certamine fundit.

Nec ferro tantum intrepidus, sed pugnat & auro


Effuso largè in turmas, exempla sequutus.

Fraterna, & multo bellantes munere donat.

Dum Batavos magnus LODOVICUS; Philippus  
Certatim oppugnant justis & fortibus armis,  
Virtutum inter se exoritur pulcherrima pugna.  
Magnanimos sensit, vigilisque audacior hostis;  
Clementes, humilis; trepidus supplēxque, modestos:  
Gallica sed quisquis meruit stipendia miles,  
Magnificosque Duces novit; Patresque benignos.

Par fratrum augustum, genitrix vos Gallia, faustæ  
Auctores fortis, mixto veneratur amore,  
Æternosque sibi poscit. Sed sydera quando  
Eripient terris dignos Heroes Olympo,  
Sit vestrum quivis numerosâ in prole superstes,  
Cælum orant prece sollicitâ, votoque flagranti,  
Franciadum quoscumque salus & gloria tangunt.

Tuque, O delictum Patris, & pia cura Parentum,  
Fortunate hæres regnorum, ac laudis avitæ  
Designate Deo, tantis quem sydera donis  
Munifica ornarunt, DELPHIN, spes altera gentis  
Francigenæ, invicti spirans Genitoris imago;  
Huc mentis generosæ aciem converte, Paternæ  
Virtutisque viam observa; hic tibi discere belli,  
Vincendique artes dabitur: Nam Cæsaris ingens  
Vis animi, aut acer quidquid Pompeius in armis,  
Scipiadæ vel fulminæi gessere, vel audax  
Ac felix Macedo, quicumque & Gallica sceptrâ  
Tractarunt Proavi Reges, Bellator in unum  
Mox cumulum coget LODOVICUS, & omnia vincet  
Nomina, Magnus, Sapiens, & Fortis, & Audax,  
Clemensque, Augustusque, uno vel nomine, MAGNUS.





## DE LUCUBRATIONE

PROXIME SEQUENTI,

## PRÆMONITIO.

**P**OST scriptum à me, typisque vulgatum Poëma, seu maxis triumphale carmen, de Trajecti ad Mosam expugnatione, meas in manus venit Ode Gallica eodem de argumento, Auctore clarissimo Poëtâ D. Geneft. Eam ego & Regi, totique proinde Aula Regiæ, mirum in modum fuisse pro merito probatam placitamque audiui, & multum ad tantæ Herois, tantique facinoris gloriam conferre posse ipsemet judicavi, si ad exteras quoque nationes, Gallica lingua ignaras, tam eximia scriptionis notitia pertingeret. Quæ me causa impulit, ut illi heroicis versibus latinis quàm fidelissimè reddenda incumberem. Quod ut Auctori, viro cateròqui mihi antebac ignoto, compertum fuit, is me humanissimis literis enixè rogavit, ut meam illam interpretationem paterer simul cum varijs ejusdem Poëtici lucubrationibus, in laudem Regis elegantissimè conscriptis, conjungi, simulque excudi. Lubens cum annuissem, peracta res est in libello Parisijs non ita pridem exs. videlicet anno M. DC. LXXIV. proximè cla-

*pro. Cum ego vicissim varia carmina, subsecivis, ut consuevi, horis à mee lucubrata de victorijs à Gallia & Polonia altero, & præcedenti anno relatis, simul edere deliberatum aberem; de gratiâ humanissimo viro, ac Poëtæ præstantissimo pariter referendâ cogitavi. Quare, cum bonâ ejus veniâ, Oden Gallicam simul cum interpretatione latinâ hic adnexam volui; unde meis quoque lucubratiunculis non parum venustatis ac prety apud Nostrates Gallos accessurum confido.*





SVR LA PRISE DE

# MASTRIC

O D E

Presentée à Sa Majesté au Camp de Vizet, quelques  
jours après la reddition de Mastic.



**M**USES, vous le sçavez, le zele qui me presse  
A montré ses ardens transports ;  
J'ay pour le grand LOUIS surmonté ma foiblesse,  
Et tenté de nobles efforts,  
Mais qui pourra chanter sa dernière Victoire ?  
En parler bassement, c'est la luy dérober :  
Et luy-mesme aujourd'huy, sous le poids de sa Gloire,  
Comme ses ennemis, il nous fait succomber.



Oüy, Prince, tes Grandeurs, tes Vertus plus qu'humaines  
Dont l'éclat fait tant de Jaloux,  
Tes Travaux infinis, tes glorieuses Peines,  
Te coûtent beaucoup moins qu'à nous.  
Nous sentons plus que toy les Soins que tu te donnes,  
Quand nostre foible voix ose les raconter :  
Et nous travaillons plus à faire tes Couronnes,  
Que toy pour les cueillir, & pour les meriter.





# INTERPRETATIO

EX GALLICO D. GENEST,

POETÆ CLARISSIMI.



**A**RDOR inextinctus quo me succenderit æstu,  
Vos pridem nostis, Musæ; & meminisse potestis.  
Ut dignum Cælo, Heroëm mea carmina ad astra  
Evehereut, majora meis sum viribus ausus.

At quis postremas lauros, victriciâque arma,  
Eximius possit vates æquare canendo?  
Vox humilîs, minuit decus ingens; & simul hostes,  
Præconêsque suos meriti Rex mole fatigat.



Sic est; virtutum, Princeps, decora alta tuarum,  
Quæ tot perstringunt oculos, seriêsque laborum.  
Immensa, & Divûm splendori gloria suppar,  
Parta tibi impensâ facili, studia omnia vaturn  
Sollicitant; curæque tuæ nos ampliùs urunt,  
Quàm Te, Magne Heros, tenui dum promere cantu  
Grandia molimur; minùs & vincendo laboras,  
Quàm qui victori lauros, & carmen adornat.



Peuples, vous le voyez, la Fortune enchainée  
 Est toujours soumise à ses Loix,  
 Vigilance, & Bonheur, Sagesse, & Destinée,  
 Conspirent à ses grands Exploits.  
 Il forme ses desseins avec tant de Prudence,  
 Qu'on diroit que sa main n'y prendra point de part;  
 Sa main les execute avec tant de Vaillance,  
 Qu'il semble que son Cœur commet tout au Hazard.



Comme un illustre Athlete à qui l'Art le plus juste  
 Apprend à conduire ses coups,  
 S'il trouve un Ennemy brave, ferme, robuste,  
 Ajoute l'adresse au courroux.  
 Il luy trompe les yeux d'une savante feinte,  
 En cent endroits divers semble le mesurer,  
 Et luy portant enfin une terrible atteinte,  
 Le presse, le renverse, & le fait expirer.



Avec un Art pareil, ce Monarque invincible  
 Conduit ses progrès fortunés  
 Contre des Ennemis qu'un orgueil inflexible  
 Rend chaque jour plus obstinés.  
 Troublés & confondus par sa Marche douteuse,  
 Ils observent en vain ce sage Conquerant,  
 Qui poussant vers MASTRIC sa course impetueuse,  
 L'approche, l'environne, & l'attaque, & le prend.



Et vobis notum, Populi, ut fortuna subacta  
 Imperio subsit L O D O I C I; útque inclyta virtus,  
 Sors felix, animus vigil, & prudentia solers  
 Consilia Herois regat, atque incepta secundet.

Hunc animo dicas solùm pugnare sagaci,  
 Nil tentare manu; tanta est solertia mentis:  
 Sic idem ferrum tractat, Martemque laceffit,  
 Ut totum dubiæ credas committere sorti.



Qualis ubi Pugil insigni memorabilis arte  
 Atque uolens, si fors generosum incurrat in hostem,  
 Robustumque acremque; novâ ut se laude coronet,  
 Iræ artem jungens, simul irâ certat & astu.  
 Ictibus hic fictis oculos deludit, & omnes  
 Pertentans aditus, infestâ hinc inde premit vi;  
 Dum tandem immuni transfigens vulnere pectus,  
 Urget atrox, sternitque virum, mittitque sub umbras.



Haud secus invictus cœptis felicibus Heros  
 Insistens hostes contra tumidosque ferocesque,  
 Inque diem magis inflexos? molimine tendit  
 Multiplici, infidos justo disperdere bello.

Turbati incessu ancipiti, vestigia tanti  
 Victoris frustra observant; subito impete namque  
 Trajectum invadens, vallo circum undique cingit  
 Et premit, expugnatque, citi mox fulminis instar?

Rien ne le garantit : ny les vastes Ouvrages,  
Qui le couvrent de toutes parts,  
Ny les fiers Défenseurs, ny les brûlans Orages,  
Dont il étonne les regards,  
Ny des feux enfermez l'effroyable Tonnerre,  
Dont l'effet imprévu devoit glacer les Cœurs,  
Et nous ouvrant par tout le centre de la Terre,  
Sur ses Murs abattus abattre ses Vainqueurs.

La Terre a beau trembler ; nul François ne recule  
Au milieu des Gouffres ouverts,  
Dans les Feux dévorans un plus beau Feu les brûle,  
Qui brave ces Perils divers.  
La Mort armée en vain de tant d'affreux Spectacles  
Ne sert que de matiere à leurs Faits inouis ;  
Ils ne connoissent plus de Dangers, ny d'Obstacles :  
Ils regardent la Gloire, & sont vûs de LOUIS.

Peuvent-ils faire moins quand ce Heros les guide,  
Et quels hazards vont-ils braver,  
Que cette Ame indomtable, & ce Cœur intrepide  
Avec eux ne veuille éprouver ?  
De l'Airain embrazé la funeste tempeste  
En tombant à ses pieds vient menacer son Sort ;  
Et le Plomb enflammé qui gronde sur sa teste,  
Va porter plus avant la Terreur & la Mort.  
Magnanimum



Magnanimum contra Regem, cui militat Æther;  
 Nil urbem tutam præstat; non aggere moles  
 Elatae infano, non fœti sulphure nimbi  
 Flammivomo, fretusve animis, & robore miles;  
 Nil ignis tonitru horrificum; fornace latenti  
 Quod subito erumpens fremitu, & terrore sequaci,  
 Sub pedibusque solum referans, Cocytiaque antra,  
 Victores sternit victæ sub mœnibus urbis.



Nequicquam succussa tremit, vastumque dehiscens  
 Terra barathrum aperit; manet imperterritus omnis  
 Francigena, immotusque loco, dum flamma medullis  
 Nobilior gliscit, contemptrix flamma pericli.

Tot frustra intentat sævi spectacula Martis  
 Mors armata, minax; hinc laudis copia crescit,  
 Non metus; hos deinceps vix ulla pericula terrens,  
 Gloria quos animat, L O D O I X spectator adurget.



Sub tanti quidnam Herois felicibus usque  
 Auspicijs metuant, vel quæ discrimina tentent,  
 Quæ non ipse prior, famæ immortalis amore,  
 Rex adeat corde impavido, & victricibus ausis?  
 Ignito ære tonans tempestas effera Regis  
 En ruit ante pedes; crepitatque sonore minaci;  
 Quæque sacrum supra caput insonat ignea plumbi  
 Grando furens, ultra terrorem ac funera portat.



Ab! Prince, où te conduit ton ardeur magnanime,  
Que tu ne scaurois moderer?  
Que devient la Sagesse & profonde, & sublime,  
Que tu nous faisois admirer?  
Qu'à tes autres Vertus ta Valeur est contraire!  
Qu'à tes propres Sujets elle cause d'effroy!  
Mars est un Dieu changeant, envieux & colere;  
Tout l'Univers te craint, & nous tremblons pour Toy;



Ne fatigue plus tant le Ciel qui te seconde,  
Et s'attache à te contenter.  
C'est assez; & MASTRIC vient d'instruire le Monde,  
Que rien ne te peut resister.  
Epargne à nostre Amour de plus longues Alarmes:  
De ton Trône élevé donne par tout la Loy:  
Et rendant à la FRANCE un repos plein de charmes,  
Laisse luy posseder: & sa Gloire, & son Roy.



Déjà de tes Explois ton cher DAUPHIN soupire,  
Et refuse de l'applaudir.  
Penjes-tu qu'avec joye il regarde un Empire  
Qu'il ne pourra plus agrandir?  
Songe qu'il trouve un jour à forcer des Murailles,  
Qu'il partage avec Toy les Respects des Humains:  
Et s'exerçant en l'Art de gagner aes Batailles,  
Que les derniers Lauriers soient cueillis par ses Mains.




Quò rapit heu! LODOÏX; Quò te Mavortius ardor  
 Sic fræni impatiens? ubi nunc sapientia tantis  
 Quæ digna imperijs, sublimem æquabat Olympo  
 Francigenûm Heroa, & totus quam suspicit orbis?  
 Vsq; adeòne alijs virtutibus inclyta bello  
 Vis animi adversa, ingenti formidine cives  
 Concutit? infido nam quæ fiducia Marti?  
 Orbis te metuit, pro te dum Gallia pallet.



Munifici donis ah parcius utere Cœli,  
 Addictique tuis votis; sat, Maxime victor,  
 Bellatum; nunc & Trajectum prædicat orbi  
 Te contra nil firmum & inexpugnabile niti.  
 Longos siste metus tandem & suspiria amoris,  
 Solliciti; justis pacatum legibus orbem  
 E folio moderare alto; da, pace beata  
 Gallia, & augusto secura vt Rege fruatur.



Dilectus, viden', ut DELPHIN suspirat, & oris  
 Grandibus invitus plaudit? Quî lumine sicco,  
 Lætusve adspiciat generosæ mentis Alumnus  
 Imperium, cujus nequeat producere fines?  
 Augustum puerum consortem admitte triumphi,  
 Et cultûs populorum, urbésque arcésque relinquens  
 Quas capere, atque artem vincendi ediscere possit;  
 Gaudeat & Patris lauros carpisse supremas.



# REGI

POST SEQUANORVM

PROVINCIAM,

ITERATO SVBACTAM.

EPINICIVM.

**Q**VAE nova bellacem rapis in certamina Musam,  
Magne Heros: vix, edomitum victricibus armis  
Trajectum arce ferox, ac vestigalibus undis  
Sub tua jura Mosam cecini jam lenè fluentem;  
Ecce alij surgunt majori ex hoste triumpho  
Continuâ adnexi serie, victoque Batavo,  
Ille adèò latè imperitans, succedit Iberus,  
Accumulâtque tibi palmas; neque cœpta moratur,  
Conjurata licèt jungat Germania turmas;  
Nempe unus, quamvis numerofo, sufficis hosti.  
Nec te victorem, prostratis molibus altis,  
Nunc urbs una facit; sed præstans ubere glebæ,  
Atque vhris, armisque potens Provincia, collum  
Victa jugo subdit, justis in præludia belli.

C ij



Sequanus, ille audax quondam, dudumq; retentæ  
 Libertatis amans, jam tandem Gallica Sceptra,  
 Detrectata diu, renovato jure veretur;  
 Iamque Vesontinæ turres, atque ardua rupis  
 Arx imposita jugo, jam propugnacula Dolæ  
 Frustra instauratis, iterum cecidère, ruinis.

Tantarum seriem sit fas evolvere rerum,  
 Et versus æquâ se majestate ferentes  
 Fundere, regali sit Musa ut digna tropæo.

Id sperare ausim, me si Mavortius Heros  
 Numine regifico afflarit, quo grandia cœpta  
 Ipse suo peragit nutu, & discrimina tentat  
 Impavidus, quæ Gallæ horrent, quæ suspicit orbis.

At tu, Progenies invicti generosa Parentis,  
 DELPHIN, magnanimo spirans jam pectore Martem,  
 Exiguos quamvis ne dedignere Poëtæ  
 Conatus; sed materiem quocunque cothurno  
 Majorem specta, dignam &, cui sudet, omisso  
 Pelide, ac Laërtiadè, divinus Homerus;  
 Quam, præ Trojugenâ, Vates Romanus amasset.

Impete fulmineo LODOÏX postquam ardua claustra  
 Fœdifragæ irrupit gentis, Rhenique tumentes  
 Edomuit fluctus, frustra obnitentæ Batavo,  
 Munitæque arces cessere, urbésque, potenti  
 Dextrâ expugnatae, aut Regis terrore sequaci;

Continuò, ut fama est, Stygijs erupit ab antris  
 Dira cohors, Gentî auxilium latura superbæ,  
 Quam sibi Rex Erebi, non uno fœdere, vinxit.

Antevolant geminæ Pestes, quarum una malignum  
 Invidiæ inspirat virus; timidam altera mentem  
 Exagitat, tristi consternans corda pavore.

Iamque adeo jussa expediunt, passimque per aulas  
 Finitimas, Procerum falsis rumoribus aures  
 Primum implent; curis dein anxia pectora turbant.

Quæ vos segnities? Quæ rerum incuria blando  
 Delinit somno incautos? En Gallicus Heros  
 Signa infert latè victricia; Iamque Baravis  
 Impete prostratis primo, se effundit adusque  
 Extremas Rheni fauces, Isalæque, Mosæque;  
 Vixque modò Amstellæ victorem à mœnibus arces  
 Aquoris effusi vallum; campique natantes  
 Gurgite sub falso; nec jam spes ulla favere  
 Heu! desperatis valeat, nisi fortè voraci:  
 Injēctus tectis flammâ crudelior ignis.  
 Protinus ast illinc se longè incendia fundent  
 Ac latè, passimque urbes, vicinâque regna  
 Corripient; sibi mox metuat Germanus, Ibérque,  
 At Belga ante alios, propior vel Sequanus igni.  
 Firmus nam quis obex? Quæ propugnacula sistant  
 Liligerum Heroa; & felicia cœpta retardent?  
 Ergo agite; inque unum mox arcto fœdere vincti,  
 Conspirate viri; timeat, qui terruit omnes.  
 Vos causa unanimes faciât, quos nomina mille  
 Dissociant; neu Relligio, fœdusque, fidésque  
 Sollicitent animos, dum vos victoria Galli  
 Subtrahat imperio, totum qui commovet orbem.  
 Hæc dum Diræ animis, atque his pejora, malignæ  
 Insinuant, variôsque cient formidine motus  
 In sua damna acri; fervent agitata tumultu  
 Omnia, & Hispani ad nutum Germania frendens  
 Arma rapit, tentâtque iterum discrimina Martis,  
 Necdum obducta licèt sit plagæ antiqua cicatrix.  
 Qualis ubi Pugil, infensi quem gloria pungit  
 Victoris stimulo haud mollis, quâquâm ægra fatiscunt  
 Vulnere adhuc genua hesterno, feta prælia rursus  
 Expetit, exitioque ruit male-cautus, & hostem  
 Dum feriat, gessit lethali occumbere telo.  
 Interea Francum Genius qui præsidet Aula,

Inviçtiq̄ue animum Regis, dextrámque gubernat,  
 Seu pax concedenda hosti, bellúmve gerendum;  
 Heroi in somnis manifestá in luce vidénduna  
 Se dedit, atque istis succendit vocibus iras.

Quæ tibi nunc, LODOICE, animo sententia surgit?  
 In Te unum dum tot gentes, velut agmine facto,  
 Conspirant, palmámque tibi, jura omnia contra,  
 Eripere incassum tendunt? Age, fœdera faxo,  
 Quæ livor malè conjunxit, victrice resolvas  
 Dextrá ultor, multisque licet, non hostibus impar.  
 En quæ circumstant, comites tua castra fovebunt  
 Cœlestes Divæ; ante alias, quæ præsidet armis,  
 Tela simul, dextrámque reget generosa Virago;  
 Consilio & cœptis præerit Prudentia solers,  
 Et Fortuna simul, quæ justè incepta secundet;  
 Cœloque allabens Victoria, signa sequetur  
 Regia, & æterná cinget tibi tempora Lauro.

Sunt tibi præterea præstantes robore & armis,  
 Militiæque usu longo, longá arte periti,  
 Multarúmque Duces palmarum. Est inclytus Hero  
 In primis, belli fulmen, tibi sanguine junctus  
 Condæus, quem Teuto ferox, quem sensit Iberus,  
 Belgáque victorem toties. Huic proximus adstat,  
 Tot clarus Lauris, & Marte Turenus acri,  
 Quem Batavus pavet, & fractis Germania turmis.  
 Quid Nayallæum, Luxemburgúmque, tremendum  
 Hollandis nomen, memorem; insignémq; tropæis  
 Scombergum Hesperijs, Fulladæúmque pericla  
 Quem tibi tot charum fecêre, & sanguine avito  
 Vis deducta animi? Quid cætera nomina, Marcis  
 Incisa in templo dudum, tibi nota, mihiq̄ue?  
 Hos potes Hispanóque unâ, audacique Baravo,  
 Austrasióque, & Teutonico, jam fœdere junctis,  
 Objicere, & certas sperare hinc undique palmas.

At tibi Sequanicæ debetur Laurea gentis  
 Præcipuè: hanc iterum imperio submittere Francùm  
 Fas & jura sinunt; justæ nec sidera causæ  
 Deficient. Mox aggredere, & victricia lætus  
 Signa move; neu te madidus pluvialibus Austris,  
 Necdum oportunos bello, deterreat annus.  
 Cui vicisse hyemem licuit, brumâsque, nivésque,  
 Concretósque gelu fluvios; superare licebit  
 Imbriferi humorem Veris; mercésque laborum,  
 Incrementum ingens hinc martia gloria ducet.

Hæc animo Herois Dñs quæ suggerit Autor,  
 Altè impressa hærent, refovéntq; in pectore flammæ  
 Magnanimo accensas: qualis violentior Eurus,  
 Sponte suâ ardentes, flabris exfuscat ignes.

Nunc, O Martis amans Erato, Regum ardua facta  
 Quæ canis, & laudes meritis ingentibus æquas;  
 Quis animis Magnus LODOIX, quâ-ve arte feroces  
 Contuderit populos, geminâ quando urbe potitus,  
 Sequanico tractu victos exêgit Iberos,  
 Vatem Diva docè, atque audacibus annue cœptis.

Vt primùm rupto accepit Rex fœdere pacis  
 Undique conspirasse hostes, totâmq; sub armis  
 Hesperiam, Belgâmq; trucem, septêmque Triones  
 Fervere, & innumeras hinc inde accurrere turmas;  
 Excelsam attollit mentem, & se suscitât irâ  
 Ingenti, bellumque parat non hostibus impar.

Qualis ubi Leo Marmaricus, quem fortè molossi  
 Agmine circumstant dênso, & latratibus urgent  
 Raucisonis; multos quamvis interritus usque  
 Despectat, frendénsque gradu se ostentat ovanti,  
 Ambiguúsque hæret, cui primò destinet ictum  
 Lethalem, & fulvâ laniatum extendat arenâ.

Haud secus armipotens Heros, dum fœdere nexas  
 Conjurasse videt tot se contra undique gentes;

Lætitia impavidus gestit ; nam crescere palmas  
 Hinc novit, laudemque sibi, quâ tollere possit  
 Fama immortalem cælo, & producere Regni  
 Iure novo fines, disruptæ ob vincula pacis.

Ergo, inquit, nostris olim quæ subdita sceptris,  
 Hispanum est perpeffa iugum provincia longi  
 Lapfu ævi, redeat tandem sub Gallica jura  
 Legicimis asserta armis ; hæc præmia læsæ  
 Sint fidei ; ista novis sunt debita munera pactis ;  
 Hac mereatur Iber iustâ mercede Batavo.

Protinus, ad nutum Regis, sub signa cohortes  
 Confluxère ; ruunt pedicūmque, equitūmque manipuli ;  
 Quadrupedum pulsu tellus concussa tremiscit.

Armorum strepitu horribico, & rumore minaci.  
 Belga pavet, trepidat Batavus, jam fulmina Magni  
 Belligera haud pridem LODOVICI expertus uterque.

Sequanicos tamen hæc spectant, quos abnuit audax  
 Hesperius belli immunis partem inter utramque  
 Degere ; sed multo stabit fiducia Ibero.

Regali se primū offerit seges ampla labori,  
 Vrbs antiqua, opibus pollens, atque arce superba ;  
 Chrysofolin veteres dixère ; Vesuntio deinceps  
 Dicta tulit nomen : lento quam gurgite Dubis  
 Hinc atque hinc cingens, intersecat, ac geminus mons  
 Parte ex adversâ, celso velut aggere claudit.

Præsidium accedit numerosum, & nomine clarus,  
 Sanguinéque, & gestis Princeps, qui se intulit urbi  
 Oblessæ, turmis spes ut civilibus addat  
 Ingentes, Ducis adventu, validisque catervis  
 Austrasij, quem belli insignem reddidit usus,  
 Ætâsque, & nullis virtus infracta periclis.

Quin etiam adversis cælum, atq; elementa putares  
 Conspirasse armis ; tantus se nubibus imber  
 In castra effundit, vallūmque, operūmque labores.

Diluvie immisâ tardat, tractusque viarum  
Impedit humore undantes, cœnoque tenaci.

At magis Herois virtutem obstacula tanta  
Exstimulant, Gallosque duces, quos lumina Regis  
Exemplumque ingens animat, victoriâque istis  
Certa sub auspiciis. Hostes, licet usque feroces,  
His superasse parum est;uvat ipsa elementa, Notosque  
Vincere nimbosos, & fœtas imbribus auras.

Quis celsere ignes Trajecti ad mœnia nuper,  
Impete dum rapido erumpunt fornacibus inis,  
Saxaque, Seminecesque viros jaculantur in altum;  
Humentisne Austros metuant, pluviasque sequentes?

Iam præmissus eques se circumfuderat urbi,  
Ac subito insiliens, aditus præcluserat omnes;  
Magnanimi ille quidem ductum & vexilla sequutus  
Enguinei, hic Patris exemplum, & Mavortia facta.  
Parva mora est, Rex ipse, omnisque exercitus unâ,  
Bellicaque armamenta adsunt; mox ducitur agger  
Obsessæ ad muros urbis, fossæque meatu  
Obliquo sensim serpentes; æneaque alto  
Suggestu tormenta tonant, & fulmine crebro  
Mœnia disjiciunt, atque ardua tecta domorum.  
Nil tamen his milèsque ferox, civèsque moventur  
Intrepidi; instigant fictis rumoribus iras  
Scilicet auctores varij, dum extrema minari  
Francigenas suadent, & vincla immania victis.

Attollunt animos alij, spe tamque propinqui  
Auxilij firmant; multo nec milite Gallos  
Invasisse urbem, nec Regem ad sistere castris.  
Multaque prætereâ fictorum oracula vatum  
Addant falsiloqui, quæ tutam ex hostibus urbem,  
Victricemque ferant; avidas mendacibus aures  
Et mentes dictis præbet variabile vulgus.

At mox præsentem proprio discrimine Regem

Intonat, atque viam victrix dum flamma per auras  
 Rûperit, absiliunt immenso fulgura tractu;  
 Mox dirum crepitans fulmen latè obvia sternit  
 Seu nemorum capita, aut celsæ fastigia turris.

En armis tandem tremefacta Velintio portas  
 Victori referat, simul & clementia, victis  
 Æqua, sinum Herois paudit; gaudétque vicissim  
 Parcere subjectis, queis vinci est muneris instar  
 Præcipui, & tanti imperio se subdere Regis.

Arce tamen, natura loci quam munijt, altæ  
 Impositam rupi, fissus Valdmontius acer,  
 Præfectusque animis audax, & utrumque sequuti,  
 Gloria quos stimulis forsan majoribus urget,  
 Molibus inclusi validis, obistere contra  
 Liligeras acies summâ nituntur opum vi.

Frustra: nam subito excelsi de culmine montis  
 Tormentis L o d o i x iratus fulminat; & jam  
 Mœnia terrifico titubant concussa fragore,  
 Præcipitque cadunt cumulo, subitâque ruinâ  
 Defensorum agmen tumulant; pavor undique cingit  
 Turbidus obsessos, atque effera mortis imago.  
 Jam signa evexit vicinæ in vertice molis  
 Victor ovans Gallus; jam disjectæ imminet arci,  
 Excidium & stragem intentans, ni dedere sese  
 Ociùs accelerent victi, portâque recludent.

Ter quinos igitur dum summo eVectus Olympo  
 Sol orbis peragit, L u d o v i x (mirabile dictu!)  
 Arcis inaccessæ moles, urbemque potentem,  
 Sequanicos, cumque Hispanis, elementa subêgit

Nec tamen hîc finis, magnorû aut meta laborum;  
 Quin aliæ ex alijs Palmæ, celerésque triumphî  
 Irrequietum Heroa vocant. Famosa, feróxque  
 Dola, Vesontino, accedit, nil territa casu;  
 Victricésque audet turmas, Regémque tropæis.

Tot celebrem, rursum nifu irritare superbo.  
 Nempe suis fudit, quæ propugnacula jamnunc  
 Surrexere solo; numerofo fudit, & acri  
 Milite defensa, & Præfecti fortibus aufis;  
 Martia quem virtus, generoso & stemmate clara  
 Spinolidum genus extollit; tela ille, minasque  
 Sustinet immotus primùm, responsaque Regi  
 Se digna, atque Atavis mandat, queis nobilis ira  
 Exarsit LODOICO, & magno in pectore fervet.

Ilicet urbs premitur pugnaci cincta coronâ;  
 Iamque propè ad muros sinuoso tramite fossa  
 Ducitur; Interea roboant ex aggere celso  
 Tormenta, & turres repetito, fulminis instar,  
 Displosu quatiant, tectis-ve incendia miscent.

Iam Galli, vallo avulso, succedere ad arcem;  
 Iam molem superare altam; jam irrumpere certant  
 Urbis in assaultum, ni mox denso agmine miles  
 Irruat Hesperius, Gallumque exturbet, ab alto  
 Dum pluit in capita instantum plumbi ignea grando  
 Saxaque, & è summis effusa incendia muris.

Exoritur cædes ingens, atque effera pugna  
 Hinc atque hinc: quales siquando in prælia tauri,  
 Quos furis incendit amor, Libycive leones  
 Adversi insurgunt; hi cornibus, unguibus isti,  
 Rictuque immani dum certant, undique fuso  
 Sanguine terra madet; resonat clamoribus æther  
 Horrificis, ancèpsque diu victoria nutat.

Dextera sed Regis tandem, & Mavortius ardor  
 Ex ore augusto erumpens, formidine sternit  
 Sequanicos, Francisque novas in pectora flammæ  
 Suscitât, in prædam arrectis, palmisque propinquas.  
 Namque ubi jam muri labes, vastasque ruinas  
 Dolani cernunt cives, victoris amorem  
 Prensant solliciti, & clementes Principis iras.



Nec te supplicibus durum, Rex optime, præbes,  
 Quem pietas, quem mollit amor; neq; vincere certas  
 Hostis in exitium. Quas ergo Vesontio leges  
 Accepit, nunc Dola subit; Gnatóque, Patrique  
 Subdita, Gallorum imperio se denique reddit.

Tempore namque illo in castris DELPHINUS agebat  
 Augustus puer, exorsus sub Patre Magistro  
 Armorum tyrocinium, jánque ardua spectans  
 Æmulus exempla, ut vincendi disceret artes.

Quin etiam formæ illecebris, pulcráque tenelli  
 Majestate oris potuit, blandúmque suadâ  
 Expugnare animos linguâ, victricibus armis  
 Nijam cessissent victi, & virtute Parentis.

Ergo agedum, Magni spirans Genitoris imago,  
 Delicium mundi, mixtus cui terror amore  
 Devincire hostes queat, & submittere sceptró  
 Franciadum; celebri jamnunc, meritóque triumpho,  
 Vrbi te devictæ infer, ferróque coruscus,  
 Atque auro, plausus inter, lituósq; canoros  
 Ingredere, á tenero & claris assuesce tropæis.

En læti jamnunc positâ formidine cives,  
 Adscriptique iterum Francis, erumpere portis  
 Pars gaudent; alij tabulata, aut tecta domorum  
 Implevêre, ardéntque Patrem, Gnatúmque tueri;  
 Attonítique hærent, plúsne admirentur, amént-ve,  
 Dum terrorem ille, hic blandos dum spirat amores.

Quin etiam mœsti exultant, mixtáque dolore  
 Lætitiâ; tanto reputant se Rege beatos,  
 Inculántque iras dudum sibi sortis iniquæ.  
 Ergo multiplici assurgis, Rex Maxime, palmâ;  
 Primùm urbes vi belligerâ; dein corda revincis,  
 Virtutum miti imperio; Et sic vincere mavis,  
 Inque animis regnare, ut terror cedat amori.

Nec mora, certatim sese Provincia, justo


D ij

Partim victa metu, Francūmque potentibus armis,  
Dedit; & illecebris partim victricibus almi  
Principis, externāque libens se compede solvit.

At Tu, invicte Heros, pulcro, celerique triumpho  
Securus gaude, felicisque omine latus  
Incepti, quòcunque duces regalia signa  
Intulerint, seu Teuto instet, seu Belga Batavis  
Conjunctus, vel Iber, socialis foederis Auctor;  
Palmarum spera segetem, quas sidera spondent.







A D

## SCVLPTOREM

REGIS STATVÆ FINGENDÆ  
ET POLIENDÆ DIVTIUS INSISTENTEM.

## CARMEN,

PICTAVII SCRIPTVM AN. 1667.

*Cum Statua Ludovico XIV. Collegij Pictav. Societatis Jesu, Fundatori, in Fronte ejusdem Collegij poneretur.*

**P**HIDIACO quisquis scalpro, & mortalibus ausis  
Heroëm, saxo educis, vitámque rigenti  
Materiæ inspirans, L O D O I C U M in marmore sistis-  
Spectandum; ars animum Artificis spe lactat inanè,  
Æmula naturæ, & vano conamine ludic.

Tu potes utcunque augustæ cervicis honorem,  
Majestatem oris, cultûsque insigne verendum  
Regifici, duro insudans effingere Saxo.

Felix laude novâ, & nostro mirabilis ævo.

At quas munificæ virtus operaria dotes  
 Naturæ, Regem informans, superaddidit; altæ  
 Mentis opes, vasti ingenium per singula membra  
 Imperii sese iusinuans, animique vigorem  
 Intrepidî, medio licet in discrimine Martis;  
 Crede mihi, nullâ potis est imitariæ arte  
 Quamvis docta manus; nec si remearit ab umbris  
 Praxiteles quicumque, potens animare metallum  
 Artifici dextrâ, aut saxi insculpere vitam.

Divinæ est hoc artis opus; Regem astra dedere  
 Exorata diu Terris; sunt munera Cœli,

Quæcunque exornant magnæ penetralia mentis.

Esto igitur, Martem spiret Regalis imago  
 Ipso etiam in Themidis, tranquillæ & pacis amictu;  
 Esto, vel sceptri nutu perterreat hostes  
 Dextra minax, vultusq; ardens. Hæc Regis adûbrant  
 Signa superficiem extremam, dum Maximus Heros  
 Parte sui meliore latens, bene lumina fallit:





## SONNET AV ROY.

**G**rand Roy, vos ennemis ne trouvent point d'azile;  
 Vous les faites trébler sur leurs plus forts rāpars,  
 Et le Rhin qui l'orna les progrès des Cefirs  
 N'oppose à vos Explois, qu'un murmure inutile:

Mais rendez nostre espoir plus sûr & plus tranquile,  
 N'allez plus de si prés affronter les hazars;  
 Troye a vû dans ses champs couler le sang de Mars,  
 Et Paris scût trouver l'endroit fatal d'Achille;

Vous avez trop suivi l'heroïque Valeur  
 Qui vous porte au peril avec tant de chaleur,  
 C'est, c'est trop exposer le bonheur de la France;

Ménagez mieux des jours à nos vœux accordez,  
 Le Ciel sur vos destins fonde nostre esperance,  
 Et rien ne peut valoir ce que vous hazardez.





# INTERPRETATIO

**N**IL validum, Rex Magne, hostes victricibus armis  
 Objiciunt, media inter propugnacula terres  
 Semianimes; & Cæsareis impervius agger  
 Agminibus, Rhenus jam murmure pugnat inani:

At Tu securas magis, ô, spes effice nostras,  
 Tranquillasque magis; propiùsque pericula adire  
 Desine; Trojanos tinxit Mars sanguine campos,  
 Fatalémque Paris talum detexit Achillei.

Permissos ultra fines heroïca virtus  
 Te rapuit, tótque in discrimina Martius ardor;  
 Vilior est tibi Francigenùm fortuna, salúsque:

Concessos Populi votis ardentibus annos  
 Cur spernas? spes nostra uno Te nititur omnis;  
 Ah tanti Caput augustum quid Principis æquet?





SUR LA NAISSANCE  
 DE MONSEIGNEUR  
 LE DVC D'ANIOV.  
 MADRIGAL.

**T**Andis qu'aux bords du Rhin par sa seule presence  
 Loüis fait tous les jours trembler ses ennemis,  
 Le Ciel luy donne un second Eils  
 Pour pouvoir après luy soutenir sa Puissance.  
 Si chaque jour ce Monarque Vainqueur  
 A d'autres conquestes aspire,  
 C'estoit trop peu qu'un Successeur  
 Pour la grandeur de son Empire.  
 Puisque rien aujourd huy n'arrête ses Explois,  
 Il gagnera bien-tôt dequoy faire deux Rois,  
 On verra ses deux Fils avec même avantage  
 Regner sur cent Peuples divers;  
 Et partageant leur Heritage  
 Ils partageront l'Univers.







# INTERPRETATIO

EX GALLICO PETRI DE VILLIERS


*Societatis JESU.*

**D**VM Rheni ad ripas LODOVICUS fulminat armis,  
Dux ipse ingentis belli, Patrem astra secundo  
Pignore amica beant, longa ut post fata superstes  
Vsq̄ue sibi, regnóque potens, in prole triumphet.

Si victor palmis palmas, atque urbibus urbes  
Rex quavis luce accumulatur, quàm provida faustis  
Auspicijs, aliam sobolem dant sidera Patri!  
Nempe unus tanto imperio non sufficit hæres.

Nil quando iuvicti felicia cœpra moratur  
Herois, gemino Regi duo regna parabit  
Ilicet, atque unâ gnatos dominarier ambo  
Sorte pari latè in populos mirabimur; & si  
Partiri fors contigerit sibi jura relicta,  
Divisus cedit geminis hæredibus orbis.





SUR LA MORT  
DE MONSEIGNEUR  
**LE DVC D'ANIOV.**  
MADRIGAL.

**I**L meurt ; & la cruelle Parque  
Ne l'a point épargné , ce Prince que mes vers  
Avoient destiné pour Monarque  
A la moitié de l'Univers.  
Ma Muse me trompa quand elle me fit dire ,  
Qu'il falloit au Roy plus d'un Fils  
Pour conserver tous les Pays  
Que son bras chaque jour soumet à son Empire ;  
Non , non , quand satisfait d'avoir mis sous ses Loix  
L'un & l'autre Hemisphere ,  
Il borneroit le cours de ses fameux Explois ,  
Le DAUPHIN seul pourroit tout faire ;  
Et l'on verroit le Fils à l'exemple du Pere  
D'un Empire si grand soutenir tout le poids



**INTERPRETATIO**





SERENISSIMO PRINCIPI,  
 DVCI AVRELIANENSI,  
 REGIS VNICO FRATRI,

Ejusque bellicis in expeditionibus, & laborum,  
 & gloriæ consorti.

SYMBOLVM HEROICVM:

*Speculum chrySTALLINUM Solis radios excipiens,  
 & reflectens.*

LEMMA.

MUTVVS HINC SPLENDOR,

CERNIS, ut Astrorum summo Rex arduus axe  
 Latè coruscum spargit in terras jubar,  
 Si fors adversum speculi respexerit orbem,  
 Lævi nitentem marmore, & denso sinu;  
 Sol novus apparet confestim, & luce reflexâ  
 Sese vicissim fœnore augent mutuos;  
 Alter & alterius proprio splendore refulget,  
 Vnùmquè Solis lumen, & speculi emicat.

Sic Magno concors Fratri, consorsque, PHILIPPE,  
 Periculofam dum aleam belli subis,  
 Te vocat ex æquo in partem Martisque laborum,  
 Et militaris gloriæ, Rex inclytus.  
 Conjugis augustæ seu bello jura reposcit,  
 Armisque Belgas terret, ac victorijs;  
 Fœderis aut læsi pœnas æquissimus ultor  
 Repetens, Batavûm infana propugnacula  
 Subruit, atque Mosæ subigit, Rhenique tumentes,  
 Ifalæque fluctus, ipsi & Amstellæ imminet;  
 Traiecti-ve quatit turres, nec molibus altis,  
 Nec sulphuratis territus cuniculis;  
 Sive Vesontinas arces, aut mœnia Dolæ  
 Expugnat ardens Marte ineluctabili:  
 Fraternaliter comes indivulsus inhæres;  
 Patiens laboris, immemor periculi;  
 Noctes, atque dies volitas per castra; nec Auster  
 Nimbosus obstat, nec flagrans Canicula;  
 Te licet obstetrix nascentem exceperit ostro,  
 Et delicato foverit nutrix thoro.  
 Heros namque animo præstat, quem Martia virtus  
 Testatur. Astris inde Borbonidæ additi  
 Immortale decus Genti meruete, sibi que.  
 Hæc Tu, PHILIPPE, lucidâ Cœlum viâ  
 Affectas; laudisque urget Te nobilis ardor,  
 Herois Heros dum teris vestigia.  
 Talibus auspicijs Orsoni mœnia, Princeps,  
 Quassata, quinos Sol ut orbis conficit,  
 Expugnas; celsæ ne te, Zutphania, turres,  
 Fossæque, necnon militares machinæ,  
 Impete defendunt valido, & victricibus armis.  
 Rex ipse celerem prædicat victoriam,  
 Fratrisque exorsis lætatur, & omine fausto,  
 Gestitque luce duplici augeri decus.

64  
Ceu quando Solis radijs Splendescit, & auro,  
Chryſtallus, INDE MUTUUS FULGOR MICAT.





POUR SON ALTESSE ROYALE,  
MONSEIGNEUR.

LE DVC D'ORLEANS,  
FRERE VNIQUE DV ROY;

Sur la gloire qu'il s'est acquise en accompagnant Sa Ma-  
jesté dans ses expeditions militaires, & en partageant  
l'honneur de ses travaux & de ses conquêtes.

DEVISE HEROIQUE.

Va miroir qui reçoit, & qui refléchet les rayons  
du Soleil.

MUTUUS HINC SPLENDOR.

L'UN REFLECHIT SUR L'AUTRE UN MUTUEL ECLAT.

Imitation de l'Ode precedente.

**L'**ASTRE qui fait l'honneur & le plaisir du monde,  
Qui parmi tant de feux éclate en Souverain,  
Rend sa lumiere feconde,  
Si quelque beau crystal luy presente son sein;  
Alors dans cette glace épaisse & bien poie  
Sa beauté s'enrichit d'un retour de splendeur,  
Il se concentre, il se replie,  
Ils ne brûlent tous deux que d'une même ardeur.  
Ainsi, Prince, par tout où Loüis suit la gloire,  
Ce Frere conquerant te trouve sur ses pas;  
Il partage avec toy l'honneur de la victoire,  
Comme la peine des combats.

Soit qu'un Amour guerrier dans la Flandre étonnée  
 Demande avec succès les droits de l'Hyménée;  
 Soit qu'il mette le fer dans les mains de Themis  
 Pour punir justement le Batave infidèle;

Que les murs abattus, que les peuples soumis  
 Respectent sa gloire immortelle;

Que le Rhin, & la Meuse, & l'Issel dans l'effroy  
 En grondant à la Mer aillent porter leur plainte;  
 Qu'Amsterdam soit saisi de crainte;

Soit qu'il force Mastric à recevoir sa loy;

Que Dole & Bezançon d'un Mars sentent l'atteinte;  
 Tu te plais aux dangers à côté de ton Roy.

On t'a vu comme luy jour & nuit sous les armes  
 Contraindre les saisons à seconder ton cœur,  
 Chercher dans le peril le beau nom de Vainqueur,

Quoy que nourri parmi les charmes.

Un Prince doit sa gloire à sa propre vertu,

Il est grand s'il a combattu

Les BOURBONS dans les Cieux ont ainsi pris leurs places:

PHILIPPE, je te voy monter au même rang,

Quand je voy ta valeur, je reconnois leur sang,  
 Je connois qu'un Heros d'un Heros suit les traces.

Sous un si beau destin tu sçais par ta presence

Battre Orsoy dans cinq jours, & rompre ses rampars;

Et contre un seul de tes regards

Zutphen n'a ni tour, ni défençè.

Ces grands commencemens ont étonné Louïs,

Ce Soleil voit en toy ses rayons refléchis,

Tu méles dignement ta gloire avec la sienne;

Dans ton bras, dans tes yeux, c'est Louïs qui combat,

Ce qui fait sa grandeur augmente aussi la tienne;

L'UN REFLECHIT SUR L'AUTRE UN MUTUEL ECLAT.

Jean Bouzonic F.





SERENISSIMO PRINCIPI:

CONDÆO,

INVICTO SEMPER HEROI,

POST VICTORIAM

DE GERMANIS, HISPANIS, ET BATAVIS

AD SENEVUM RELATAM.

EPINICIVM.

**B**ORBONIDUM, Condæ, decus, cui bellica frontem  
 Laureæ præcingens vel adhuc juvenilibus annis;  
 Addidit Heroï famæ immortalis honorem ;  
 Sit mihi fas canere invictæ Mavortia dextræ :  
 Prodigia , antiquisque novas adnectere Lauros ;  
 Devotæ pridem tibi vestigalia Musæ  
 Munera , & æterni officij inviolabile pignus.  
 Non dicam, ut primâ sparsus lanugine malas,  
 Rocroïæ ad muros , acri certamine fractas.  
 Fudisti Hispanas acies , præfagiâque oris  
 Grandibus , Heroæ virtutis læta dedisti ;  
 Non ut Teutonicis iteratò victor in oris,  
 Impete Norlinguam , & Friburgum incusseris uno,  
 Signâque Liligera , & victricea undique turmas.

In morem torrentis agens, vel turbinis atri,  
Cæsareis celeres Aquilis succideris alas.

Non erecta loquar prostrato ex hoste tropææ  
Lentiacis latè in campis, ubi sanguine Ibero,  
Germano, Austrasióque solum, tabentiáque arvæ  
Immaduère diu; lethali hinc vulnere cæsus,  
Semilacérque Leo: tibi Belgicus ora reflexit.

Nam quid ego arentes palmas, veterésq; triúphos  
Commemorem, viridi dum se victoria Lauro  
Argumentum ingens offert, vatémque reposcit.

Nunc mihi Senesi colles, ignobile nomen  
Hactenus, at gestis famosum, & Marte recentè  
Francigenæ Herois) lato in præconia campo  
Ecce patent, ubi se Condæi vividá virtus  
Exeruit meliore notá; neque segnior annis,  
Séque ipso májor fulsit Mavortius ardor.

Ceu Sol, ipse quidem vel primo ignitus ab ortu,  
Lucéque conspicuus, summum quando arduus axem  
Conscendit, terrásque alto despectat Olympo,  
Ardescit magis, & purø se lumine fundit.

Illa dies quali nuper splendore refulsit  
Francigenis, quando pompæ Rex Maximus auctor,  
Et pars ipse suæ, læto fervente tumultu,  
Templum augustum; ingens, ac religione sacratum  
Antiquá, plausus inter, lituósque canoros,  
Majestate subit blandum spectabilis Vrbi.

Dum cœlo investæ, veteri de more, triumphum  
Virginæ Matris celebrat Divûm æmula tellus,  
Sincerá Lodoix pietate insignis, & armis,  
Virtutisque hæres Patriæ, centum hostica signa,  
Tergemino direpta hosti; substernit ad Aras,  
Præfalis ante pedes, sacrá cui fronte Tiaras  
Promicat, atque Dei præfert insigne verendum,  
En suspensa tholo fluitant vexilla, colore

Multiplici victas bello signantia gentes,  
 Victorisque decus duplicant, permista tropæis  
 Auspicio partis LOBONICI; & laudè coronant  
 Promerita Heroëm ipsa inter præconia Divùm.

Quin etiam fit præco hostis; milésque, Ducésque  
 Præcipui, bello capti, sine crimine testes  
 Suspectæ fidei, Condæum ad' sidera tollunt  
 Præcellentem animis, invictæ & robore dextræ.

Fulminis hic illum flammæ, & pernicibus alis  
 Assimilat; primo invadit quando impete turmas,  
 Æratósque globos equitum, peditúm-ve phalanges  
 Proturbat; Torrenti alius, dum fortè minaci  
 Murmure, saxa per & cautes è montibus altis  
 In campos ruit, & segetes, arbuſta, casásque  
 Horrisono sternit fremitu, ipsá & strage superbit.

Nunc age, desudans Heroùm Musa coronis,  
 Qua causa impulerit duri in certamina Martis  
 Conspicuum virtute Ducem; quis bellicus ardor  
 Vsserit igne novo pectus Sobolisque, Patrísque,  
 Diva doce; neque enim fas dissociare Parenti  
 Gnatum haud abſimilem, grandiq; imitamine clarũ.

Fœdere conjuncti Batavis, Germanus, Ibérque  
 In castris dudum steterant, exercitus ingens,  
 Spéque ferox avidâ; & stragem, exitiúmque minatur  
 Francigenúm terris, & verba immania jactat.

Condæised nota orbi Mavortia virtus,  
 Multiplicique diu parta experientia bello,  
 Terrificis obstat cœptis, dum se obvius infert  
 Undique, & hostiles acies à finibus arcet.

Nox erat, & placidâ laxabant fessa quiete  
 Corpora per terras latè, volucrésque, feræque,  
 Terrigenúmque genus, curâ dum pervigil acri  
 Borbonides, nec membra thoro curanda reponit,  
 Nec tenui quamvis declinat lumina somno;

Ast hostem observans, motusque intentus in omnes  
Excubat, & se si qua dabit fors commoda, captat.

His dum castra animis nocturnus obambulat; & cu  
Sollicitus, charo invigilat dum Pastor ovili,  
Cui fors insidians instat fera turma luporum;  
Herodas, us fama est, formam præstante Virago  
Occurrit, vultu radians, & fronte serenâ,  
Auro innexa comam, & blandum rutilante pyropo,  
Regalique altè furas evincta cothurno;  
Vincit palla nives, quam circum limbus oberrat  
Flore intertextus vario, & subteminis auro  
Subtili; Divæ dextram sceptrum implet eburnum.

Huic adsunt geminæ comites, quarum altera palmas,  
Laurigerosque apices, generosi insignia Martis;  
Altera fert lituum candentem ex ære canoro,  
Distinctumque auro, sparsoque adamante coruscum.

Dum stupet, atque oculos Princeps in Virgine sistit  
Eudoxâ, attonitum verbis & lumine blando  
Compellat: Quid, magne Heros, nunc pectore versas  
Ancipiti? Dudum tibi chara, ex æthere summo  
Diva adsum, egregios bello, & virtute virili,  
Fortibus atque ausis claros, quæ laude coronâ  
Pulchrâ, immortalis; Divorumque infero cætu.  
En ego, ne dubita, Lauros tibi necto recentes,  
Antiquis fulgore pares. Notum exere robur,  
Exere pugnaces animos; neu callidus hostis  
Deluso jactet Condæo, impune movere  
Castra loco valuisse; age, mox ut crastina cælo,  
Puniceis invecta rotis, effulserit Eos,  
Postremas invade acies; j, sterne feroces  
Nequidquam socijs Batavos; id Gallia poscit  
Fœdere pro læso, id votis Rex maximus ambit.  
Hæc ubi purpureo Diva inclyta fudit ab ore,  
Vanescens densâ noctis se condit in umbrâ,

Borbonidénque novis succensum pectora flammis,  
 Visisque attonitum, & blando sermone, reliquit.

Mox ut collêgit sensus Mavortius Heros,  
 Se quisque optatæ paret ad discrimina pugnæ,  
 Edici passim castris jubet. Ocyùs omnes  
 Ore alacri exsiliunt, seque exhortantur in arma  
 Certatim, tanto queis sub Duce Laureæ certa est;  
 Cunctantémque diem incusant, ceu lumina Titan  
 Differat, aut tardis incedat Cynthia bigis.

Vix aurora Polo tenebras dimovit, in altos  
 Condæus properans colles, hostilia castra  
 Observat, pugnæque modum secum ipse volutat.

Enguineus Patri comès imperterritus hæret,  
 Præcipuèque duces, belli quos reddidit usus  
 Conspicuos; Navallia des insignibus ausis,  
 Consilio, pollénsque manu; infestúsque Baravis  
 Luxemburgiacus, Majorum haud degener hæres;  
 Et rupe à forti nomen cui Martia virtus  
 Indidit, atque animis, ferróque Furillius acer.

Est locus Hannonijs, Brabantinísque colonis  
 Finitimus, quæ terra situ se fundit iniquo,  
 Saltibus & densis, atque intercissa palude  
 Multiplici, necnon nemorosis collibus horrens.

Hæc iter, excedens castris exercitus, hoste  
 Conflatus triplici, instituit, quos foedus in unum  
 Confociat, causaque animos sub dispare jungit.

Prænam aciem, quæ Teutonicis confluit ab oris,  
 Socchiades ductat, longo dux optimus vsu  
 Militiæ Geticos contra; quem Gallia mater  
 Austriacis dedit, at Germania fovit alumnum.

Agmine stant medio, atq; extremo Hollâdus, Ibérq;  
 Belgicus hunc Prorex, alto illum stemmate clarus  
 Auriacus regit; ille ævo, & virtute virili  
 Præstans; huic fervet juvenili in pectore sanguis,

Postquam hæc mente sagax, & multâ callidus arte  
 Borbonides, Palmæ cupidus, per singula vidit;  
 Certa, inquit, fortes hodie victoria dextras  
 Sollicitat, justæ spondent quam sidera causæ,  
 Divisusque hostis; primos namque arcta viarum  
 Excludunt, sociisque vetant discrimine pugnæ  
 In summo ferre auxilium, & conjungere turmas,

Ergo agite, acutumque acies educite castris,  
 Principiumque cohors faciat Prætoria pugnæ,  
 Et quos armatura gravis, leviorve, maniplos  
 Distinguens equitum, signis Regalibus ornat.

Principis exemplo ad nutum properare catervæ  
 Franciadum; expansa en fluitant vexilla per auras,  
 Buccinæque, & rauco Martem cava tympana pulsa  
 Accendunt, clamorque virum, atque hinnitus equorum.

Ipsæ acies animo præstans Condæus, & usu,  
 Ordinat; & quos quique duces, quæ signa sequantur,  
 Edicit; peditum tibi, Luxemburge, phalanges,  
 Et tibi, Montalti, credit, fortissima bello  
 Pectora, nec gravibus quamvis turbata periclis.

At celeres equitum ducit Rocfortius alas,  
 Atque Furilliades, factis illustribus ambo,  
 Et virtute pares; sed non certaminis æqua  
 Sors ambobus erit, nec vulneris æqua medela.  
 Namque illum reddet confestim in bella valentem;  
 Ast alium condet mors importuna sepulchro.

Hinc Navalliadem casus sibi servat in omnes  
 Condæus, seu consilio, seu viribus usus,  
 Aut vi promptæ animi; varijs perspecta periclis  
 Sic spondet virtus, nec spes frustratur inanes.

Tu verò, invicti Hætois dignissima Proles,  
 Quem dudum in bella exstimulat Patris æmula virtus,  
 Sponte adstas latus ad patrium, propiusque tuentem  
 Ardua pugnantis facta, haud inglorius, ardes,  
 Discrimenque

Discriménque subire unâ, laudémque mereri,  
Cui decus ex æquo, pietásque in pectore fervet  
Magnanimo; nec degenerem Condæus amaret.

Te totam nunc, Musa, optat Dux Magnus, in hostes  
Dum ruit, & sævum spirat dum pectore Martem;  
Nunc opus est majore tubâ, quæ grandia facta  
Heroo celebret cantu. En ardentibus ignes  
Ut vibrans jam nunc oculis, terrétque, placétque;  
Impatiénsque moræ, mox ut coiêre cohortes  
Liligeræ, in pugnam præceps rapido impete fertur.

Non sic, delati properans ad munera sceptri,  
Lætitia exiliat; non sic convivia luxu  
Regifico lauta alliciant, splendórve triumphi.

Nec verò aut galeam, aut thoraca indutus ahenū  
Promicat; ast, dictu mirum! bombycis amictu  
In tenui, qualisque inter consuevit amicos  
Alloquio laxare animum, aut accumbere mensis.

Nomine sed satis ipse suo, famâque pavendus  
Apparet, nil ensis egens, aut cassidis æreæ,  
Armigeræ-ve manûs; oculis dum fulminat, & dum  
Voce tonat pugnax, vultúque ardente, minaci-que  
Hostes exanimans, campo sese arduus infert.

Non adeo Alcides Nemeæi pelle leonis  
Terrificus stetit, aut clavâ domitrice ferarum;  
Nec mage Pelides clypeo septemplice tutus.

Non æquo tamen hic campo, non ordine sueto  
Fas conferre manum; prohibent angusta locorum  
Scilicet, & memora, & clivi, lentæque paludes,  
Fossæque, ac sepes densæ; neque cornua, & alas  
Hic licet in latum diducere, nec simul unâ  
Confluxisse acie; sparsis decernere turmis  
Nam cogit natura soli, variósque ciere  
Assultus; vicisse semel nec sufficit hostem,  
Sæpius ut repetita serat victoria palmas.

At nil belligerum tanta hæc obstacula tardant  
 Borboniden, facili cui Laurea parta labore  
 Vilescit, quem dura juvant, atque ardua cæpta.  
 Ac velut objicibus torrens, & mole retentus  
 Multiplici, fremit, & glomerato vortice præceps  
 Desuper impellit fluctus, majoréque nisu  
 Spumeus in campos fertur, perque avia victor:  
 Haud aliter Princeps animoso concitus æstu,  
 Antiquæque memor famæ, cupidusque recentis,  
 Invadit numero confisum, & saltibus hostem,  
 Abruptisque vijs frustra: nam protinus acri  
 Vectus equo, celeres rapit in certamina turmas  
 Condæus, primosque premit, sternitque; fugatque,  
 Quotquot in adversum temerarius impulit ardor.

Parte aliâ Auriacus, clarum cui nomen, Avorum  
 Martia vis peperit, laudis nec degener hæres,  
 Sanguinis & Regum, maternâ stirpe refusi,  
 Gestit ovans pugnae oblatum tempusque, locumque;  
 Tantus amor famæ generoso in pectore fervet.

Nec reliquis dispar ducibus mens, atque cupido  
 Fixa hæret, seu quos socialis Iberia junxit  
 Auxilio, bellève ferox Germania, Francùm  
 Æmula jamdudum laudis; nec fœderis obstat  
 Ius sacrum antiqui, aut genus, & communis origo.

At vos, egregij Proceres, quonam alea pugnae  
 Destinet, ac dubius Mavors, ignara futuri  
 Mens celat, vel quem Lutetia magna triumphum  
 Instruat auspicio LO D O I C I; sicine Ibero  
 Condæi nota est belli in certamine virtus?

Hic postquam valido assultu proripit in hostes  
 Senesi templo incassum, tectisque cavatis  
 Confisos, campoque equites in vasit aperto,  
 Stans, acie in primâ, Pater unâ, & Filius ardens  
 Marte pari, hostiles cuneos, ærataque frustra,



Agrina proturbant ; gemini dum Principis ingens  
Exemplum , & virtus contemptrix usque pericli,  
Francigenum incendit miris præcordia flammis.

Qualis ubi injectus , longævo robore silvam ,  
Ac jam deciduis arentem frondibus , ignis  
Corripuit , si fors diversâ è parte reflantes  
Hinc Eurus , Boreasque illinc, Nimbosus & Auster  
Incumbunt nemori , geminata incendia latè  
Collucent, quercusque simul populantur , & ornos.

Quis cædè horrendâ memoret, dum Fracus Iberas  
Perrumpens, Batavâsque acies, rapido impete victor  
Infilat, immixtusque furit jam cominus ense,  
Terrificoque flagrat miles Prætorius æstu?

Nec vim ferre queunt hostes ; fugiuntq; cadunt-ve  
Præcipites, Francum aut cuneis circû undique cincti,  
Suppliciter vitam exposcunt, & inermia tendunt  
Brachia victori ; spes hæc namque una salutis.

Non tamen hîc vel pugnae ardor, victoriâ-ve heret  
Principis ; hinc potius cepit Mavortius ignis  
Incrementum ingens , sævitque in damna Batavi.

Namque ubi jam primas peditumq; equitumq; phalâ  
Auriacus cæsas vidit, captosque, fugâ-ve [ ges  
Versos indecori, Duce frustra obstante, maniplos,  
Infremit, atque acri succensus corda dolore :

Hæccine spes, inquit, palmæ, socialibus armis  
Affulgens juveni ! sunt hæc primordia fausti,  
Rebar ut ipse quidem, belli ! Hoc vestigia tractu  
Assequar , & laudes Majorum , inglorius hæres !

Pro pudor ! Abscedam victus certamine primo ,  
Condæi vultum & fugiam , paulò ante petita  
Tot votis , hostemque novis ornabo tropæis !

At multo saltem victorem sanguine Laurus  
Sparsa ornet, partemque suam ferat ipse doloris.

Hæc secum ardenti Princeps sub corde volutat

Magnanimus, collésque altos, faucésque viarum  
 Occupat, & cello tormenta ex aggere tollit,  
 Subjectas latè in valles queis fulmina vibret.

Nil tamen Heroëm tot tentamenta morantur  
 Borbonium; rursus ille acies in prælia ducit  
 Impavidus, Martisque suis inspirat amorem,  
 Ore alacer simul, atque ferox, ac lætior irâ.

Quin etiam bellator equus sessore superbit  
 Efferus, hinnitúque hostes perterret acuto,  
 Et gaudens in fata ruit; quippe ignea plumbi  
 Glans emissa procul, medium transverberat inguen  
 Quadrupedi, exiliens calces dum jactat in auras.

Vulnere lethifero titubat, dominóque timere  
 Visus adhuc (mirum!) sonipes generosus, in armos.  
 Labitur ut sensim, morte & luctatur in ipsâ.

Principis attoniti casu milésque, ducésque  
 Accurrunt; túque ante alios exterritus omnes,  
 Enguinee, heu chari tanto discrimine Patris,  
 Nunc primùm & pallens; unum sed signat amorem  
 Pallida frons, tibi qui, Dux inclyte, pectus aduris.

Si bellatorem pallor decet iste, timori  
 Nil debens, gemino contusum vulnere corpus,  
 Hostica dum contra defendis tela parentem  
 Ceu clypeo, pariter, Princeps, juvat; ô decus ingen  
 Et Patriæ, & Patris, geminâ virtute coruscans,  
 Quam pius & fortis junxit Trojanus in unum.

Mox alio sublimis equo, & majore pavendus  
 Irâ Heros, iterum hostiles irrumpit, & urget,  
 Insistens pugnæ, cuneos, sternitque; fugátque  
 Impete fulmineo; nec par est usque ferendò  
 Auriacus, quamvis animis infractus. Vbi ille  
 Vertere terga acies iterum, aut occumbere ferro  
 Frâciadûm, hincque sibi Condæum insistere, & illinc  
 Enguineum, agnovit; quâquam pudor obstat & acer.

Pugnæ ardor , tamen ille fugæ mandare salutem  
Cogitur , alipedisque cito confidere cursu.

Nec temere imperij projectum insigne superbum,  
Fascia , permixto collucens murice & auro ,  
Sparsumque intextis gemmis ; sic lumina cautus  
Instantùm sibi Francigenùm , felixque fefellit.

Non eadem tibi succurrit fortuna , Merodi,  
Vel tibi Salmazi Princeps , virtutibus ambo,  
Et genere insignes ; & utrique haud nomine dispar  
Nassavi , factisve illustribus ; Hosque sequuti  
Holsteni , Solmique , Stokeimi , Kimeridæque ;  
Calpini , & Valkemburge , & cui nomen ab amne est ;  
Totque Duces alij , infelix quos alea belli  
Prodidit , & captos , spectatorésque triumphii  
Ostentat , plausu dum Tu , Lutetia , ferves,  
Ac LUDOVICÆAM pietatem tollis ad Astra .

Tu quoq; magnanime , Hispanis Præfekte manipulis  
Æratorum equitum , pompæ pars magna fuisses  
Ni te lethali , sed honesto , vulnere cæsum ,  
Victorisque manu ereptum ; mors prompta tulisset.

Quid reliquos memorare dūces , belli-ve ministros  
Iuverit , atque unà bellantum ignobile vulgus ?  
Quos numero ingenti captivos Gallicus Heros  
Urbem in regalem misit , spectacula sacræ ,  
Atque ornamentum pompæ . Quid signa ? Quid arma ?  
Aut currus , & equos referam , & spolia ampla superbo  
Erepta Hollando , argentique , aurique talenta  
Plurima ? militibus victor quæ deinde refudit ,  
Munificus , geminùmque sibi cumulavit honorem ,  
Quàm ferro , pugnâque acer , tam munere largus .

Credula gens tamen inflictâ pro clade triumphat,  
Ignibus & festis passim sua gaudia signat,  
Dum Gallus prædâ potitur , Senesiâque arva  
Strata cadaveribus Batavùm , Hispanoq; cruore

76.  
Sparsa horrent; dùm captae utraq; ex gēte cohortes  
Cum ducibus, læta objiciunt spectacula Francis.  
Si tales peragat Belga, Hollandusque triumphos,  
Sæpius, inviti quamvis sub Gallica jura  
Concedent, meliōre jugo; & victricibus armis,  
Quæ magnus dudum Lodoix cœlo auspice tractat.

Nunc, ô, Francigenum vindex, tibi Laurea cēdat  
Par animo ingenti, & tantis condigna periclis,  
Quam Rex magnificus, Patriæ quam promâ volūtas  
Apparat. Invictus deinceps sit terror Iberi,  
Teutonis, Hollandi, Condæus, & æmula Proles,  
Ringuineus, nunc imperio maturus, & armis.

Ipsa quidem æternum sibi Te velit optima mater  
Gallia, præsidium, atque decus; sed fidera quando  
Sic dignum cœlo, eripient, insigne doloris  
Enguineus solamen erit, Condæus & alter,  
Felix nempe parens, gentrosâ in prole superstita.





POUR SON ALTESSE SERENISSIME  
MOSEIGNEVR LE PRINCE,

Après sa glorieuse victoire sur les Imperiaux.

## DEVISE.

*Un Aigle, qui en éprouvant au Soleil son véritable  
Aiglon, chasse une Troupe d'Aiglons bâtards.*

ET TANTI EXPLORASSE FVIT.

ET L'ÉPREUVE EN A COUTÉ CHER.

**T**EMÉRAIRES Aiglons, qu'il vous en coûte cher  
Quoy, vous n'avez point osé de si près l'approcher.  
C'est cet Aigle, le plus fier qui jamais en sa serre  
Du vainqueur des Titans ait porté le tonnerre.  
Baïffez, baïffez Aiglons Bâtards  
Devant les vós foibles regards.  
Tandis que le SOLEIL par toute sa lumière  
De son Aiglon Royal éprouve la paupière.  
De toutes parts il vous fait trébucher,  
Et votre défaite est entière.  
Pour avoir pris l'essor d'une aîle trop altière,  
Teméraires Aiglons, qu'il vous en coûte cher.

† Monseigneur le Prince.

\* Monseig. le Duc.





# INTERPRETATIO

EX GALLICO

ABBATIS DE BRIANVILLE.

**T**ENTASSE quantò, degener Fœtus, stetit!  
Ergon' volatu cernere, aut ungue adlubet  
Aquilæ feroci? Qualis haud unquam tulit  
Flammias Gigantum vindices superbiæ.  
Ignava Soboles, palpebras demittite;  
Aciemque tantis imparem fulgoribus.  
SOL quando, curru vectus ardenti, probat  
Generosa Pulli lumina, armipotens Pater  
En clade fractos undiquaque dejicit  
Actum est; peristis fato ineluctabili;  
Dum tendit audax penna summum ad æthera;  
Tentasse quantò, degener Fœtus, stetit!





SERENISSIMO PRINCIPIS

DVCI ENGVINEO

E MILITARI EXPEDITIONE

ANNI M. DC. LX. XIV.

*Unde cum invictissimo Patre, Principe Condao;*

FELICITER REDVCI;

GALLIÆ GRATVLATIO.

O D E.

**M**AGNI progenies Patris,  
 Ausis assimilans, Engvinee arduis  
 Heroa, & decus inclytum,  
 Ac nusquam indecori degener omine;  
 Quas grates Superis feram,  
 Aut quæ thuricremis dona super focus,  
 Voti jam rea nobilis,  
 Quòd vos incolum es, vósque receperim.  
 Palmâ centuplici graves,  
 Patrémq; & sobolè jam Patris æmulam.

Quem Mars emeritum diu

Lætus multigenâ ornâvit ad ora.

Tu vestigia, & orbitas

Illustres parili consequeris gradu;

Qualis marmarico specu

Eductus, valido robore firmior,

Patri consimilis Leo,

Iam nunc dente minax, acêr & unguibus,  
Rugitu nemus horrido,

Exanguêsque metu terrificat feras.

Te Belga obstupuit tremens,

Dum tyrociniô non humili impiger.

Discis militiæ modos,

Regis sponte sequax tramite gloriæ.

Te posthac Batavus ferox

Suspexit, tumidi fluminis alveum

Dum cymbâ tenui celer

Transmittês, equitûmq; & peditû globos

Primo protuis impete,

Nequicquam subitâ præcipites fugâ.

Te nuper quoque Sequanus

Vesontina stupens cingere mœnia

Vidit, turbinis in modum

Dux præmissa equitû dum rapis agmina,

Et victoria Regijs

Iungit se comitem sponte cohortibus,

At cur Te, mea gloria,

Dulce & præsidium, demoror, inclytum

Heros dum genitor sibi

Oprat te socium Martis in aleâ,

Partirique pericula

Tecum gestit amans, factâque splendida,

En tellus tibi Belgica

Palmarum segetem sponder, & amplius



Laudis curriculum; neque  
 Germano, & Baravis junctus Iber, malè  
 Pacti fœderis immemor,  
 Obstabit, numero vincere pertinax.  
 Hos námque, auspicio patris,  
 Arcebis patriæ finibus, ac meis;  
 Accisósq; diu fame, &  
 Senesi nimiùm saltibus asperis,  
 Cæro isque paludibus  
 Confisos, meritâ fœdifragos nece  
 Multabis. Spolijs graves  
 Currus, præda manent, signáq; plurima  
 Victorem, haud sine sanguine;  
 Capti cúmque suis militibus Duces,  
 Non incognita nomina,  
 Clarum sive genus, gestave ponderes.  
 Ah! quis me pavor involat?  
 Fossus dum sonipes sub Patre concidit,  
 Sessorémque premit suum;  
 Què nec flamma globis concita aheneis,  
 Plumbi grando nec ignea,  
 Telorúm-ve seges dira minaciùm  
 Vsq;am est ausa laceßere.  
 At tu magnanimo Scipiade, & pio  
 Æneâ melior, Patri  
 Succurris, proprij vulneris immemor.  
 O quàm te decuit timor,  
 Princeps, ille tuis decolor in genis!  
 Tu discrimine patrio  
 Palles, intus amor viscera dum coquit,  
 Et Mavortius æstuat  
 Ignis grandè flagrans, iráque justior.  
 Hanc mox sensit Iber, furens  
 Nequidquam; & socios exitiabili

Secum clade premi dolet,  
 Condæ & gemino se fremit imparem.  
 Pugnarum satis est, sat &  
 Palmarum. Ecce fugax se Tibi surripit,  
 Invictoque Patri, triceps  
 Et frustra numero exercitus insolens.  
 Aldenarda nihil timet,  
 Vestro tuta satis nomine. Mox redi,  
 Condæ, & sobolem mihi  
 Reddas, Téque simul, Numine prospero,  
 Partis at modò Laureis  
 Gaudete, & placidi fructibus otij,  
 Dum rursus Patræ salus  
 Vos in bella vocet; pacis & impotens  
 Hostis Borbonidas novo  
 Palmarum cumulo tollat ad æthera,



INCLYTO HEROI, AC PRINCIPI  
**TVRENIO,**

POST RELATAM AD SINTZHEMIVM

DE GERMANIS ET AUSTRASIIS

**CELEBREM VICTORIAM;**

ODE GRATVLATORIA.

**D**ESCENDE Cælo, Calliope, & novas  
 Decerpe lauros, magnanimum quibus  
 Heroa, victorem coronas

Teutonicæ, Lotaræque gentis.

Mavortis, hic est cura, Turenus,

Bellique fulmen; nobile quem genus,

Magnisque pectus bellicosum

Majus Avis, super astra dudum

Vexère, factis grandibus, & suis

Clarum tropæis, Regis & inclyti

Amore præsigni beatum,

Quem meruit generosa virtus;

Durisque pridem functa laboribus.

Majore plectro nunc opus, & tubæ

Bellace cantu; quò triumphos

Musa pari moduletur ore.

Dicám-ne, læves prima simul genas

Lanugo vestit, militiæ gravis

**V** I D E S ut alro defiliens Polo  
 Victória alas commover, ac tubam  
 Clarùm sonantem Fama præfert  
 Threiciâ redimita lauru?  
 Audin' canoro gutture martiæ  
 Ut facta dextræ prædicat? Auribus  
 Hic stemus arrectis, tropæa  
 Ut liceat veniens in ævum  
 Vulgare, dein cantanda nepotibus,  
 Exempla feris ardua. Protinus  
 Adeste victrices catervæ,  
 Ac celebres properare plausus:  
 Tandem assequutus Dux vigil agmina  
 Infensa, collis vertice in arduo  
 Quæ castra munitis locarant  
 Aggeribus, subitòque vallo;  
 Intèr-que-jectum mœnibus oppidum,  
 Armato & arcet milite. Nec mora,  
 Irrumpit, immanique strage  
 Victòr ovans sibi pandit urbem,  
 Itèrque ad hostes. Non secus obviâ  
 Cùm mole ruptâ, volvitur impete  
 Per plana torrens irrefracto  
 Spumeus, ac fremitu minaci  
 Domòsque, sylvâsque, ac segetes rapit.  
 Adversa talis castra Turenus  
 Invadit acer; Duxque \* frustra  
 Objicit impavidus maniplos,  
 Quem stemma & alti conscia nominis  
 Ad arma virtus extimulat; neque  
 Longæva quamvis tardat ætas  
 Vincere, vel cadere obstinatum,  
 Prò quantus hinc inde æstuat æmuli  
 Fervor Gradivi! Quantaque funera!

\*Caro  
 lus Lo  
 tarin-  
 giæ  
 Dux.

It rivus exundans, cruore

Decolor; Inter utramque partem  
Sors pendet anceps. Sic ubi fervido  
Depræliantur marmore, partibus

Truces ab adversis citati,

Hinc Boreas glacialis, illinc  
Nimbofus Auster; stat dubium mare;  
Quis victor undis imperet. At moras  
Herois indignata virtus

Francigenæ, in medios furentem  
Immittit hostes. Fulminis hic modo  
Ensem coruscum dum rotat, agmina  
Proturbat hostilis catervæ,

Cedere jamque retro coëgit.  
Immanè frendens Austrasius, suos  
Frustra moratur, præcipiti fugâ  
Dum quisque victoris pavendo  
Subtrahitur gladio Turenî,

hostes Sintzhemianis collibus haud tamen  
iterum Herois hæsit gloria Gallici,  
ad La-  
dëbur-  
gum  
fugati. Vel meta Palmarum; fugaces  
Acrior instat agens phalangas.  
Nec bellicoso pulvere sordidus


Abstitit, ingens dum spolijs adhuc,  
Armisque componat tropæum  
Saxonico, Austrasioque cæsis.

Vbi hæc sonoro carmine protulit,  
Non illa mendax, Fama, volucribus  
Sublata mox pennis in altum;

Dulcè canit, Ter io triumphe  
Io, Turenî, tempora nobili

Præcinge lauro; deinde curulibus  
Invectus actutum quadrigis

Astra super, sociare Divis,



Sur les deux Défaites des Imperiaux, & des Lorains

A SINTZHEIM; ET A LADEMBOURG.

## DEVISE.

*De faux Aiglons qui fuyent un Soleil éclatant.*

DEGENERES FVGAT OBTVTV.

SON ECLAT LES FAIT FUIR.

**V**OUS, qui dans les Champs de la Gloire  
Guidiez autrefois les Cefars,  
Et voyiez toujours la Victoire  
Voler après vos Etendars;

Aigles des grands Romains, estes-vous bien les Mères  
De ces Aiglons\* faux & sans cœur,

Qui fuyant du SOLEIL † les Regards salutaires  
N'ont pû soutenir son ardeur?

Non, non, leur chute si soudaine  
Est une marque trop certaine  
Qu'ils ne vinrent jamais de vous.


Tremblez, tremblez & Lions & de Flandre & d'Espagne  
Même sort vous menace tous,

Et vous suivrez de près les Aiglons d'Allemagne.

\* L'Aigle de l'Empire, & les Alerions ou Aiglons des  
Armes de Loraine.

† Le Roy n'a rien oublié pour obliger l'Empire à demeurer  
en paix.

Les Rois de Flandre, ont chacune



# INTERPRETATIO

EX GALlico

ABBATIS DE BRIANVILLE.

**V**ICTRICES Aquilæ, fausto quarum omne quondam  
 Romulidæ, totum late, qua porrigitur, orbem  
 Imperio adjectere Duces, laurisque revincti  
 Immortale decus Genti peperere Togatæ;  
 Belligeræ volucres, vestronæ e semine creta  
 Degeneres adeo Pulli? Qui lumina SOLIS  
 Munifica obtutu refugo aspernarier ausint,  
 Nec tamen ardori par est palpebra ferendo.

Non ita; nam velox adeo, præceptisque ruina  
 Arguit ignavam sobolem, nec Matre creatam,  
 Irati toties tulerit quæ tela Tonantis.

Belgicus ergo Leo tremat, & regnator Iberus;  
 Fœdere devinctis parili sors imminet una;  
 Maud mora, Teutonicis Aquilis jungetur uterque.





EIDEM HEROI, AC PRINCIPI

# TURENIO,

FEDERATORVM GERMANORVM COPIIS,  
AD ILLUM ET TURQUEMIUM CÆSIS,  
ET TRANS RHENUM PULSIS,

QUARTVM VICTORI;

## ITERATA GRATVLATIO.

**O** DIVA, pridem belligerâ Dûces  
 Virtute, & ausis fortibus inclytos  
 Clarare solers, ac refulo  
 Per Populos celebrare cantu;  
 Iam nunc relictam sume iterum tubam,  
 Novoque faustum Marte Turenium  
 Heroa, & insignem tropæis  
 Teutonicis, super astra tolle.  
 Nam quod seniles robur aheneum  
 Præmunit artus? Quis fovet igneus  
 Vigor medullas? Quod-ve Numen  
 Consilium regit, atque dextram?



92  
 Adnexa jungit prælia prælijs,  
 Palmisque Palmas; nec requiem capit  
 Bellantis indefessus ardor,  
 Per medias flagrat & pruinas.  
 Si flumen obstat gurgite, transmeat;  
 Si mons nivali vertice tollitur,  
 Transcendit audax; nil-que cursum,  
 Liligerasque acies moratur.  
 Testatur Illus sanguine decolor,  
 Dum foederatas Teuto acies Ducem  
 Opponit, aratosque frustra, &  
 Centuplices equitum manipulos.  
 Vix Gallus hostem vidit, & impiger  
 Irrupit ultrò; vix Pedites Eques-  
 Sustentat adversus, fugaque  
 Quæsit indecori salutem.  
 Frustra & latebras optat, & arduæ  
 Munimen arcis; continuò advolat  
 Bellator, improvisus, urgens  
 Impete fulmineo fugaces;  
 Prædâ & potitus multigenâ, movet  
 Hinc castra velox, agmina Teutonum.  
 Infesta contra: more flammæ,  
 Quæ segetes ubi fortè flavas  
 Invasit, Austro flante, rapacior  
 Grassatur horrendum; at crepitantibus  
 Mox arva collucent favillis;  
 Volvitur ater ad astra fumus.  
 Iam militares Francigenum globi  
 Ductore tanto, squæque alacres, ruunt  
 In castra, circumquaque fusi,  
 Austriadumque premunt catervas.  
 Nec sic columbas accipiter cito  
 Urget volatu; nec leporem canis.

Venator ardens; nec juvencam  
Marmaricis leo fatus antris.

En! ut remissis fufus eques ruit  
Hinc inde habenis, exanimus metu;

Et ante pugnam penè victus,  
Franciadæ retro tergat vertit;

Non jam minax; non ille ferocior  
Instat Brisaco, & spe vorat Alsatam;

Turmàs-ve deridet Turenî,  
Aur gladium malè-feriatum.

QUIN & tumentes Dux lacrymabilis  
Fastus remittens, jamque modestior

Tot cladibus, dixisse fertur,  
Non sine flebilibus querelis;

Eheu! superbos ponite spiritus,  
Inauspicati vincula fœderis

Qui colligastis, sempiternam in  
Perniciem, opprobriûmque Gentis.

En dissolutæ splendida præmia,  
Fructûsque pacis! Num satius fuit

Herois invicti verenda

Iure sacro coluisse sceptrâ,  
Pactique leges haud violabilis

Impune? Numen fœdera disjicit  
Iufanda, & iratum scelestis,

Teutonicas acies flagellat;

Dum faustiori gaudet adoreâ,  
Nec-non tropæis, auspicio Polî

Partis, coronatus triumphat

Franciades, nec iniquus ultor.

Sic sic pavendum quis modò acinacera  
Ferat Turenî? Consilio, & manu

Dum pugnat, antiquis recentes

Accumulat, sine clade, Lauros.

Nos & , fugaces ceu capreas. Iupus ;  
 Infestus urget. Quisque frementibus  
 Victoriæ spe tot manipulis

Teuto ferox, avidusque, Rhenum  
 Transmisit; idem ( pro pudor ! ) agmine  
 Iam dissipato, vix remeat lacer:

Elumbis, obtritusque serpens


Qualis ubi trahit usque laxum  
 Caudæ volumen. Desine lugubris

Tandem duelli nunc Alemannia;

Pacemque non fauste solutam,

Auspicio meliore firma.





AD GALLIAM VICTRICEM,

VATIS RELIGIOSI VOTUM PRO PACE;

O D E.

IAM datum Marti satis est cruento;  
 Haftenus pulcras cumulasse Lauros  
 Iuverit; sævum, generosa Pubes,  
 Condite ferrum.

Quis furor mentes agitat nefandus?  
 Sanguinis vel quæ sitis æstuosa  
 Urget, ô Cælo, Superisque dudum  
 Sacra juvenus?

Sin calet venis animosus ardor,  
 Vosque delectant galeæ comantes,  
 Æris & rauci canor, & coruscis  
 Agmina telis;

An Scythæ defunt, Otomannidæque,  
 Asperum Christo genus? Huc & enses;  
 Et graves ferro, cupidâsque pugnæ  
 Vertite turmas.

Tuque præ cunctis celebrate, Princeps,  
 Legis & sanctæ, Fideique cultor,  
 Quem velut Primo-genitum tuctur,  
 Optima Mater;

Quem diu votis precibusque pulsam  
 Annuit Cælum, LODOÏCÆ, terris,  
 Ceu fatifcentis columen, decusque  
 Nobile mundi;

Te pharetrati metunt Geloni,  
 Et venenatis Arabes sagittis

Creduli incassum; Tibi læta Palmas  
Nutrit Idume.

Mœsta Te pridem Solyme, jugique  
Barbari vinculis, & onusta mole,  
Vindicem poscit; propera pudendos  
Solvere nexus.

I, vola, quò Te Pietas, Fidèsque,  
Quam Polo pridem tua lingua vòvit,  
Advocat. Nobis prius, expetitam  
Annue pacem.

En Tibi Palmas lacrymosa dudum  
Tendit Europe; bonus ô, scelestique  
Immemor pacti, gemitus precantis  
Mollius audi.

Fallor? An curru, niveisque bigis  
Vecta Pax, summo celer ex Olympo  
Defilit, mirèmq; manu decorâ-  
Ostentat Olivam?

Candor, & veri studiosa Virgo,  
Et Fides, & Fas, Pietas, Themisque,  
Cœlites Divæ, comites nitenti  
Agmine fulgent.

Advolat blandis oculis renidens  
Faustitas, Gentes hilaratque vultu;  
Advolat dives simul, & beato  
Copia cornu.

Arva jam rident opulenta flavis  
Messibus; turum volitant per æquor  
Navitæ; nec jam timet inquietus  
Arma colonus.

Verus, ô, vates utinam fideli  
Dicar optatam cecinisse plectro  
Temporis sortem; neque me jocosa  
Ludat imago.